


卷320
88



八旗通志初集卷之二百三十六

儒林傳

古今道術之傳。作者爲聖。述者爲明。自伏羲氏
畫易卦。其臣史皇作書契。助啟文明之治。二帝
三王以來。百官以治。萬民以察。至孔子承道統。
始以儒術教天下後世。而顏孟等承其傳。蓋旣
有作者之聖。亦必有述者之明也。我

太祖高皇帝肇興帝業。特制國書以教臣民。清漢文並
行於中外。上古作者之聖。繼天立極之盛。復見
於今日矣。至述者之明。有助於制作定世之大



八旗通志 卷一百三十六
者。當時名臣大海巴克什。額爾德尼巴克什等。並能仰承。

太祖聖意。助制文字。嗣是四書五經。以次演譯。東連兀集。西被流沙。自古聲教不及之地。莫不知有二帝三王之書。而希福巴克什等。刪譯遼金元三史。法前王。師近代。制作大備。蓋儒術至是益昌。無遠弗屆。亦無微弗著。豈非帝王之盛事哉。是用採摭。

國初以來諸巴克什事實。撰為儒林傳。其列在旗籍。以文章侍從。有學行見知於

九重者。亦附見其後焉。巴克什者。猶漢人言文儒云。儒林傳上。

大海巴克什

額爾德尼巴克什

庫爾纏巴克什

折庫納

傳達禮

拉薩禮

大海巴克什。滿洲正藍旗人。世居覺爾察地方。以地為姓。祖曰博洛。於

國初歸附。父曰艾密禪。累官至散秩大臣。艾密禪生三子。長丹譚。任烏赫理大。次丹布。任武備院大臣。從征大凌河陣亡。又次為大海。生而聰穎。九歲即通滿漢文。初事

太祖高皇帝。置在內廷機密重地。專司文翰。凡與明朝及蒙古朝鮮詞命。悉出其手。有宣諭

詔旨。應兼漢音者。亦委命傳宣。無不稱旨。

太祖初命額爾德尼巴克什同噶蓋札爾固齊將蒙古字創立滿文。形聲規模尚多未備。復

命大海增添圈點。分別語氣。又以滿文與漢字對音。未能盡叶者。則以兩字連寫。切成一字。其用韻之巧。較漢文切法更爲穩叶。於是滿文無不全備。旋奉

命翻譯漢書。如明朝刑部會典及素書三畧等書。於是滿洲臣民未習漢文者亦能兼通漢書。天聰三年十月。

太宗文皇帝親統大兵征明。十一月至北京。破滿桂等四總兵軍。

太宗不欲究武。遣大海賚書與明國君議和。明人閉關不啟。踰日復遣大海同愛巴禮賚議和書二通。一置德勝門外。一置安定門外。旋回軍。由遵化等處略地而歸。四年春正月。大兵征明至沙河驛。遣大海及石廷柱等以漢語招降其衆。大兵至永平。乘夜攻其城。克之。

太宗命大海及索尼執黃旗於城上。以漢語遍諭官軍百姓。薙髮來降。城中官民既聞。

德音踴躍歡欣望見

太宗車駕擁道環跪呼萬歲。先是三屯營等處俱已歸順。旋聞三屯營復叛。大海奉

命同穆成格等往探漢兒莊有無叛形。是夜大海等仍以漢語諭之。收復漢兒莊。率城守遊擊等來見。太宗遂命大海同阿巴泰貝勒往城中分撥房舍安輯衆心。是年翻譯諸書成。與剛林並以博通羣書功授遊擊世職。五年秋七月與庫爾纏並

賜巴克什之名。是時

太宗親征大凌河。九月明太僕寺卿監軍道張春總兵吳襄等率兵四萬來援。欲解祖大壽圍。

太宗親督大兵破之。擒張春等文武三十三員。吳襄等遁。被擒官謁見皆跪拜。獨張春不跪。是晚

太宗遣大海巴克什庫爾纏巴克什以珍饌賜張春。大海傳諭曰。我

皇上盛德寬洪。故遣我等以

御饌賜汝。春曰。我死志已決。不食所賜。忠臣不事二主。殺之以成我志可也。又曰。爾國用兵已十五年。專事殺掠。豈能成事。大海巴克什曰。我

皇上非好殺掠而興兵也。以爾明國與我有七大恨。所

八旗通志 卷三百三十六 五
以興兵。昔年兵至北京。原未擾民。曾致和書六
七次。竟無一言相報。今我

皇上猶欲議和。且孫閣老。邱巡撫。現在邊鎮。爾復在此。
汝等皆爾君親近大臣。可具疏言講和之事。春
日。此事彼亦不能。我被執。非所當言。必殺我。始
可議和。於是固求死。與之食。不食。餓二日。至三
日復

賜食。乃受而食之。十月。遣陣獲叅將姜新。往招祖大壽
等。大壽隨遣遊擊韓棟。與新偕來。棟既朝見。

太宗遣大海。巴克什。與庫爾纏。巴克什。送大壽使者入
城。丙寅。大海。巴克什。與庫爾纏。巴克什。副將石
廷柱等。至城南臺下。遣陣獲千總姜桂。入城諭
之。大壽送子祖可法為質。議定降事。大海。巴克
什等還奏。

太宗復遣往諭。大壽遂降。六年。東海。巴克什。遘疾危篤。
太宗謂侍臣曰。朕以大海。偶爾疾病。今竟不起。惜其未
及寵任。後將優恤其子。爾等以朕言告之。賜蟒緞一
綵。緞二。使至宣諭。大海感泣。遂卒。時七月二十
日也。年止三十八歲。

太宗以大海通漢書。習典故。為國宣力。注念不忘。

召其子賜緞布等物。卹贈甚厚。諡曰文成。康熙八年五月。其孫禪布爲內秘書院學士。奏言伊祖大海。巴克什蒙。

賜諡文成。請立石碑。以光永久。得。

旨。大海巴克什通滿漢文字。於滿書加添圈點。俾得分明。又照漢字增造字樣。於今賴之。念其効力年久。著有勞績。著追立石碑。與大海同時在文館辦事。有希福者。家世以文學著稱。希福尤優。與其兄碩色。兄弟索尼並。

賜巴克什之號。希福仕至大學士。索尼爲順治初年輔

政四大臣之一。因其功業甚多。並列於正黃旗名臣傳。又有蒙古正白旗人吳內格。以兼通滿漢文及蒙古文。亦

賜號巴克什。生平積軍功。封至公爵。以別無文字事跡。亦入於本旗名臣傳。又有滿洲人西翰者。亦

賜巴克什之名。又滿洲有龍什。羅碩二人。漢軍有高鴻中。鮑承先二人。亦在文館辦事。並稱爲文臣。以著述無攷。不及列入儒林傳。崇德中。內院大臣有剛林者。亦以兼通滿漢文。任大學士。

賜巴克什之號。順治八年。緣事正法。

八旗通志 卷三百三十六
額爾德尼巴克什滿洲正黃旗人。姓納蘭氏。生而聰敏。明習蒙古文。兼通漢文。

太祖高皇帝創業之初。卽以文學侍從。隨大兵所至。漢人及蒙古地。俱能以其本地語言文字。傳宣詔旨。招降納款。著有勞績。授副將世職。己亥年二月辛亥朔。

太祖欲以蒙古字製爲國語。頒行國中。令額爾德尼巴克什與噶蓋札爾固齊酌定之。二人辭曰。蒙古文字。臣等習而知之。相傳久矣。未能更製也。

太祖諭曰。漢人讀漢文。凡習漢字與未習漢字者皆知之。之。蒙古人讀蒙古文。雖未習蒙古字者亦皆知之。今我國之語。必譯爲蒙古語讀之。則未習蒙古語者不能知也。如何以我國之語製字爲難。反以習他國之語爲易耶。額爾德尼巴克什與噶蓋札爾固齊同對曰。以我國語製字最善。但更製之法。臣等未明。故難耳。

太祖因諭之曰。阿字下合一麻字。非阿麻乎。額字下合一墨字。非額墨乎。吾籌此已悉。爾等試書之。何爲不可。額爾德尼巴克什遂與噶蓋札爾固齊遵

諭。將蒙古字編輯連寫。製爲國語。創立滿文。頒行國中。

八旗通志 卷三十三
滿文傳布自此始。今所用滿文數字連爲一字者。皆額爾德尼巴克什與噶蓋札爾固齊擬製。奉

太祖欽定。俾國人習之者也。於是一切

制詔章疏。文書行於國中者。不復用蒙古文字。天聰八年。額爾德尼巴克什奉

命迎察哈爾歸附之衆。十一月還報。言渡黃河三日。方遇塞冷車臣寨桑等。率四百戶來歸。攜之渡黃河。留居於西拉木輪地方。又有未渡黃河。俟冰結後至者。共計五千戶二萬口云。年四十三歲。

緣事正法。順治十一年四月十六日。

世祖章皇帝追念舊勞。又以其編立

國書之功尤大。與大海巴克什一體

賜諡文成。一子撤哈連。累官至鑾儀衛冠軍使。

庫爾纏巴克什。滿洲鑲紅旗人。姓鈕祜祿氏。世居長白山。後遷英額地方。

太祖高皇帝初建丕基。應天順人。遐邇歸心。庫爾纏祖賴祿。洪都督。自哈達國率所屬來歸。始隸鑲紅旗。庫爾纏性忠直。嗜學問。裁度事務。必握大綱。恪遵義理。少時。

太祖養育宮禁。比長。嘉其識見過人。令於文館辦事。入
叅密勿。出撫外邦。

太祖辛丑年。以滿洲生齒日繁。每三百丁設一牛。衆。
特命庫爾纏管其一。天命四年十一月。喀爾喀五部落
衆貝勒等遣使來請結盟好。

太祖命庫爾纏同克星格。綽虎勒。雅希禪。希福五大臣。
偕來使齋誓辭。前往至喀爾喀國。齊集五部落
衆貝勒。於噶克察謨都岡干塞忒勒黑地方。會
同五部落執政貝勒杜楞洪巴圖魯。刑白馬烏
牛。昭告。

天地誓畢而還。時科爾沁貝勒亦遣使通問者數年。

太祖欲與科爾沁貝勒結好。九年二月。

特命庫爾纏同希福前往。會同科爾沁之敖巴台吉。阿
都齊達爾漢台吉。戴青蒙古台吉等。刑牲蒞盟
如禮。復率科爾沁使來與大貝勒等如前盟誓。
書誓辭焚之。是役也。以庫爾纏任事稱職。指授
無違。

賜備禦世職。賞給投充漢丁。赦死罪一次。十一年。從征
喀爾喀札魯特部落。十一月凱旋。隨貝勒大臣
等朝見時。

太宗文皇帝新嗣大統。命大海巴克什傳

諭。問二兄同衆貝子。此次出征。獲全勝乎。庫爾纏於出

師衆貝子前跪

奏云。蒙

上天福佑。

皇上神武。所向無不全勝。

太宗聞奏大悅。設宴行飲。至禮。天聰元年正月征朝鮮。

其國王李侗。棄城逃避。居江華島。

國恩寬大。不欲究武。

命庫爾纏與劉興祚二人。至李侗所居海島。會同朝鮮

閣老尚書等官。議盟誓貢約。庫爾纏反覆曉諭。

其國王等畏服。二月初三日。遂同李侗焚書盟

誓。又同其閣老尚書等八員。焚書盟誓。是日庫

爾纏卽先馳報大營。率二人渡海。夜分至營。是

夜。遂集諸貝勒大臣。議遣使奏

聞。衆貝勒等仍遣庫爾纏。遂率二十人馳還。彼時朝鮮

外臣。不知國王盟誓事。至平壤有馬步兵一千

邀截。庫爾纏收集從人。令各擐甲。突圍而歸。其

兵猶躡追不止。庫爾纏令從人俱前行。身率十

人殿後。初次伏兵擊斬朝鮮一人。又一次擊斬

二人彼兵猶力追相距僅三四箭地。後行至六十里。朝鮮步卒不能前進。餘騎兵約三百人。庫爾纏隨率領十人。伏於山隘。度追兵將近。突出奮勇殺入。斬其官四員。兵五十餘人。獲馬百匹。將所獲馬匹俱留與巴布泰阿格。止率七十人馳奏。至瀋陽。是時城中兵寡。

太宗文皇帝率諸貝勒出邊。沿遼河駐營。以張兵威。庫爾纏至。奏朝鮮捷音。

太宗大悅。集諸貝勒大臣定議。復遣庫爾纏持書往諭出師。貝勒等曰。歸服之民。一應器物。不可妄動。俱留

還彼。爾等就彼處作書。遣人往諭朝鮮國王言歸服之民。俱已放還。惟軍中所俘獲者。賞賜被傷士卒。再將滿洲蒙古官兵。留駐義州鎮江等處。著大臣一員管理。義州併各處米穀。俱著查明。義州兩江岸所有船隻。加意看守。在我國朝鮮官員。俱令偕來。庫爾纏至安州江。逢大兵傳

諭。大貝勒阿敏等凱旋。禁旅所過。秋毫無犯。朝鮮悅服。三年正月。奉

命往審土謝圖額駙罪。額駙一一承認。願以駝馬贖罪。奏入。悉奉

八旗通志 卷二百三十六
俞旨。四月復奉

命率吳巴什查素喀胡求查木巴四人查國家政治得失。編輯信史。十月。

太宗文皇帝躬統六師。往征明北京。庫爾纏與遊擊高鴻中。率十人先至灤州。以漢語諭令開城降。遂入城。分城內屋宇。令滿漢兵各居其半。籍獲庫銀四百七十兩。倉糧一萬餘石。時蒙古兵取固安縣。十一月奉

命往固安賞蒙古兩旗官銀兩衣服。四年二月班師。以灤州係邊疆要地。

命都統圖爾格那木泰防守。復

命庫爾纏與高鴻中以文臣佐之。六月。明兵來爭城。留守永平等處阿敏貝勒等棄所守以歸。灤州亦失守。於是總兵官以下備禦以上。俱以罪執繫之。惟庫爾纏奉

特諭。庫爾纏自灤州城內力戰而出。復殺傷敵衆。著免其治罪。五年七月。奉

旨。庫爾纏大海學習漢書。訓誨諸人。於國家大有裨益。著賜巴克什名。時朝鮮國人每年潛入邊禁。偷採人參。獵取禽獸。又與我國人互市勒價。奪取馬匹。

八旗通志 卷三十三
牲畜隱匿我國論死罪犯。違誓與明朝人通往來。減少每歲進貢方物。閏十一月。

遣庫爾纏巴克什。同滿達爾漢董納密往諭。嗣後貢獻禮物。限定額數。毋致愆期。從前逃人。姑勿察送。自後有逃往者。務察明送還。十二月。庫爾纏巴克什等還奏。臣等宣揚

國家威德。朝鮮國王貢額諸事。俱恪遵

訓諭報聞。六年四月。

太宗親征察哈爾。聞林丹汗遁。

命庫爾纏巴克什。率親隨擺牙喇十六名。前行偵探得

實。遂旋師至大同。

遣庫爾纏巴克什持書二封。往傳諭大同宣府等處明朝官員。一議和。一索賞察哈爾財物。明宣府巡撫總兵。遣千總一員。率十五人。同庫爾纏巴克什等來獻食物。通誓立盟。又齎黃金五十兩。白金五百兩。蟒緞五百匹。布千匹來獻。尋奉

命同衛寨桑羅碩。往張家口結和好。旋偕宣府巡撫總兵所遣張家口黃官壽等。二通官。二守備。齎牛羊食物。朝見

太宗。仍厚賜守備通官等遣還。又奉

命同達雅齊塔布囊穆成格往送

賜明宣府沈巡撫董總兵馬二匹。沈巡撫董總兵以無

國主之言。不敢祇受。馬匹仍帶回。庫爾纏巴克
什。一月之中。三奉差使。俱能稱

旨。甚見倚任。七年二月。緣事獲罪。又因與明降臣劉興
祚交厚。興祚欲逃。

朝廷議加約束。庫爾纏極力保奏云。斷無逃理。與祚
乘間逃去。及後興祚被執伏誅。庫爾纏又竊收
其屍。吏議其所犯罪重。應死。籍沒其家。奉

旨。庫爾纏勤勞頗多。但處死。免其籍沒。順治元年。

世祖章皇帝定鼎燕京。統一寰宇。

特旨詢問庫爾纏巴克什子孫。在何旗。何人所屬。著查
奏。尋將庫爾纏巴克什長子馬喇帶領引

見奉

旨。庫爾纏巴克什勤勞茂著。議處之罪。較功績過重。庫
爾纏巴克什之子馬喇著與一等大臣一體賞給房
地奴僕。馬喇著授戶部郎中。庫爾纏通漢文。與大海

齊名。同

賜巴克什之號。又編纂

國史。有功記注。故

世祖特加恩卹。爲儒臣之光焉。弟庫拜。有軍功。自有傳。折庫納。滿洲鑲白旗人。由中書累陞至內院侍讀學士。順治十二年七月。陞國史院學士兼禮部侍郎。十三年。修通鑑全書。克副總裁官。十五年。改內三院爲殿閣。別建翰林院衙門。以折庫納爲翰林院掌院學士。仍兼禮部侍郎。十六年八月。折庫納密陳四事。一曰均田。以爲披甲人恒產。年來用兵。披甲人買馬製械。奴僕逃亡。生業凋零。艱難日甚。我

國家初定中原。凡官兵俱計丁授田。富厚有力之

家。占田多者。至數百晌。滿洲披甲人。或父子兄弟所得之田。不過數晌。征役甚煩。授田甚少。殊爲可憫。今正當有事之秋。凡官兵應勿論人丁多少。槩視差等。均授其田。其閒散人戶。亦行量給。凡有增減。定例或十年。或十五年。一加編審。如此。則田畝得均。而甲兵日廣。居則資生有策。行則軍威克壯。一曰增烏真超哈兵力。今各省多用烏真超哈。在京各固山披甲馬兵。不過百人。而固山額真。梅勒章京。甲喇章京。牛錄章京。亦在其內。兵少若此。征戰安所賴乎。按烏真超

八旗通志 卷一百三十六
哈定例。不論新舊。每壯丁五名。各出馬步甲一副。合而計之。其堪披甲者。亦不甚多。臣愚以爲凡直隸山西陝西河南各處邊疆之人。有精壯善騎射者。請勅督撫提鎮。凡司道副叅以上。每年定限選拔送京。編入烏真超哈牛彖披甲訓練。二三年。皆同舊人。或令駐防。或令出征。事必有濟矣。一曰慎選綠旗官兵。今天下錢糧大半耗於綠旗。雖星羅碁布。徧滿海內。一有寇警。全然無益。仍請在內禁旅。此皆將帥失人故也。今後凡提鎮等緊要員缺。請不論滿洲蒙古烏真

超哈漢人。但選其夙嫻軍旅。精明強幹之員補授。至該地方武弁。及閑散聽用各員內。不乏才幹之人。若該督撫提鎮所見既確。一遇緊要缺出。宜卽行酌量陞補。以示鼓勵。簡閱士卒內有精勇者。號爲前鋒兵。錢糧量加優給。視其勞績擢用。以開上進之路。汰其老弱。官兵不得克數冒濫。庶軍政修明。不致虛糜糧餉。而地方有事。亦有攸賴矣。一曰亟收人心。近聞江南各州縣寇亂。有望風迎降者。有縛官獻城者。此皆將帥紀律不明。有司撫綏無術。致失人心。若此。夫叛

八旗通志 卷三百三十六
逆固不可寬。若詳究其由。豈有闔城官民同謀。從逆之理。必有奸宄之徒。首爲倡亂。今

天威遠震。大軍已發。滅寇在旦夕間。設將叛逆之人。槩伸國法。數十城百姓。盡皆誅戮。不但有傷我

國家如天之仁。恐後此有不幸而陷於賊者。將益堅其從逆之心矣。請速密

諭大兵。但誅其渠魁。其迫脅株連愚民。槩與赦免。則財賦之地。不至傷殘。而

聖德垂之萬世矣。疏入。下所司議。多見施行。九月。奉

命。同漢學士胡兆龍。王熙。艾元徵。教習庶吉士。尋調都

察院左副都御史。康熙七年。同漢軍左副都御史金世德等。疏論督撫處分。言督撫原有撫綏百姓之責。近例處分。止有貪墨欠賦。并違限錯擬等罪。而百姓失所。地方未治。並無處分之例。嗣後如有百姓困苦流離。拋棄田地。地方毫無治理者。應將該督撫革職。從重治罪。

從之。九年。復改任翰林院掌院學士。克監修

玉牒副總裁官。明年。陞兵部督捕右侍郎。十一年三月。疏奏窩隱逃人。有定例處分。至流徙處。有窩隱逃人者。未定處分之例。今尚陽堡寧古塔等

八旗通志 卷三百三十六
處流徙人等。如窩隱逃人。不便復擬流徙。應柳
號三箇月。責四十板。疏入。如所請。十六年正月
卒於官。

傅達禮。滿洲正黃旗人。姓吳雅氏。世居葉赫。傅
達禮生而明敏。通滿漢文。康熙十年十二月。由
翰林院侍讀學士。遷掌院學士兼禮部侍郎。仍
兼

日講起居注官。

聖祖仁皇帝特旨召至懋勤殿。諭曰。翰林院起居注。職
任重大。關係機密。朕以爾才品優卓。實可信任。故行

簡用。爾其黽勉以副朕意。十二年四月辛亥。

聖祖特諭傅達禮曰。滿漢文義。照字翻譯。可通用者甚
多。後生子弟。漸致差謬。爾任翰林掌院。可將滿語照
漢文字彙。發明某字應如何用。某字當某處用。集成
一書。使有益於後學。此書不必太急。宜詳慎爲之。務
期永遠可傳。其書斟酌周詳。後二十餘年始脫稿刊
行。卽今清文鑑也。是年八月。傅達禮奉差同禮
部侍郎折爾肯。往雲南經理平西王吳三桂撤
藩起行事宜。十二月吳三桂反。傅達禮被執不
屈。幽禁獄中。三桂親率賊兵。由貴州出犯辰州

常德十三年正月。

聖祖發大兵由湖廣進剿。四月鎮南將軍尼雅翰疏言。吳三桂釋放原差往雲南翰林院學士傅達禮等還至武昌。携有吳三桂奏章。申訴叛情。

上諭寧南靖寇大將軍多羅順承郡王勒爾錦等。吳三桂素多狡詐。疑有詭計。如吳三桂服罪請降。王及將軍等仍議招致之。益加警備。毋墮奸謀。卽吳三桂束身歸命。王等但以禮受降。其官屬益加嚴防。不可分散兵力。急於前進。務相機以行。尋傳達禮回京。聖祖嘉其不屈於賊。委任如故。明年以

經筵講章不稱

旨罷官。未幾謫奉天卒。

拉薩禮滿洲鑲黃旗人。少好學。兼通滿漢文。以文翰通籍。累官至翰林院侍講學士。康熙十四年。遷掌院學士兼禮部侍郎。十二月克

經筵講官。十五年奉

勅修日講四書解義。拉薩禮爲總裁官。又奉

旨教習庶吉士。十六年書成。三月。拉薩禮進呈翰林官

詩文。

聖祖仁皇帝召至懋勤殿。親自披閱。命拉薩禮書漢字

呈覽稱

旨。特賜御筆臨蘇軾楷書手卷一軸。十八年五月。仍奉命同漢掌院學士葉方藹教習庶吉士。是時特開博學

宏詞科。

召天下宿學之士試

體仁閣下。取五十人。授翰林院侍講以下官。纂修明史。又繙譯四書易書詩等經。著作之事。一時稱盛。拉薩禮並領其事。綜理周密。冬十一月。積勞致疾卒於官。

聖祖特諭大學士等曰。拉薩禮侍從有年。小心勤慎。繙

譯經書。明白精詳。咸稱朕意。卽翰林諸臣。亦皆稱其賢。今一旦溘逝。朕心惻憫。隨遣一等待衛對秦三等侍衛二格。齎銀三百兩。

賜拉薩禮之子三等待衛俄爾濟圖。仍傳

諭曰。爾父拉薩禮。自任講官以來。在內則經筵盡瘁。在外則扈從勤勞。曾無一時一事少曠厥職。居官勤慎。內外諸臣。罕有其匹。方欲畀以大任。忽爾奄逝。不勝痛惜。初不知病勢危篤。未遣使視疾。心甚悼焉。念爾父家無餘資。賜銀三百兩。爲治喪之費。其議卹典禮。俟禮部具題。再加優給。十九年正月。加贈禮部尚書。

八旗通志 卷三十一
賜祭葬。諡文敏。

八旗通志初集卷之二百三十七

儒林傳下

顧八代

阿什坦

牛鈕

星安

達瑞

高璜

布泰

顧八代。字文起。滿洲正白旗人。今改隸鑲黃旗。姓覺羅氏。世居混同江。故署纛章京。顧納禪次子也。生而聰明仁孝。志貌魁竒。力能挽十二石弓。矢不虛發。然折節讀書。尤精韜鈴。順治十六年。以蔭生充擺牙喇。從安遠靖寇大將軍信郡王多尼。征僞桂王。由貴州涉盤江。隨大兵與僞晉王李定國戰雞公背。直追至雲南。會同四川廣西大兵三路並進。至雲南省城。定國走永昌。三路大兵追至磨盤山。復大敗之。顧八代並行間。得功牌二。凱還議叙。以部員用。需次家居。

遂閉戶力學。每讀書不爲記誦。必思其義。至忘寢食。康熙元年。補戶部筆帖式。分司通州河務。以敏幹稱。是年襲父一等阿達哈哈番世職。八年。擢吏部文選司郎中。慎持銓法。有以賄奪道缺者。獨持不可。尙書詰之。白其情乃已。自是遇缺出。卽日定稿。指定應用者。賄不得行。十四年。

聖祖仁皇帝御試旗員。擢第一。遷翰林院侍講學士。十六年。以內閣學士。參贊鎮南將軍莽依圖軍務。時逆藩吳三桂據雲南反。統賊兵陷貴州湖南。僭大號。廣西鎮守將軍提督等。俱叛應三桂。莽

依圖以孤軍駐廣東韶州府。尙爲賊帥馬寶胡國柱所困。顧八代疾驅赴之。十月。江寧將軍額楚兵至。與莽依圖合擊敗賊。韶圍始解。時撫蠻滅寇將軍傅弘烈已恢復廣西梧州尋諸府。

詔莽依圖移駐梧州。同傅弘烈進取平樂。先是廣西鎮守將軍孫延齡叛降吳逆。尋以傅弘烈言圖反正。忽逆藩僞王吳世琮大統賊衆至桂林。誘殺延齡。領衆南下。弘烈兵單無援。顧八代勸莽依圖速進。不聽。頓兵平樂。弘烈戰失利南奔。莽依圖亦退至賀縣。又退至梧州。遂奉

嚴旨切責。始悔不用顧八代言。嗣是每事諮而後行。嘗與吳世琮戰。莽依圖病。以兵事委顧八代調度。竟破賊。十八年。

京察。大學士索額圖。素惡顧八代不附已。註以浮躁。例降調。

特旨仍留軍前管學士事。十九年八月。莽依圖卒於南寧。有

詔以都統勒貝代之。是時吳逆久已病死衡州。逆孫世璠嗣僞位。亦由貴州敗歸雲南。適

聖祖命賴塔爲征南大將軍。盡統廣西兵。顧八代仍參

預軍務。賴塔聞顧八代明軍機。首加諮訪。顧八代請下令十道進兵。以分賊勢。實用三道。二十一年二月。奪石門坎。三月。破黃草壩。五月。至雲南。會同貴州滿漢大兵。議進取策。顧八代建議。銀錠山俯瞰城內。奪此山。城必克。衆將軍不能用。謂攻城恐傷士卒。營歸化寺旁。爲久困計。距城猶十餘里。十月。勇畧將軍趙良棟由四川至。問何不進攻省城。獨引兵徑前。黔粵兵始相繼進。時顧八代分守螺山。良棟來會。遂用顧八代言。奪銀錠山。發火礮擊城。城中危急。謀變。逆孽吳

世璠自殺。偽將軍線絨等以城降。顧八代每有規畫。退讓不言功。既歸。補侍講學士。二十二年。母卒。居喪。悉依古禮。三日不食。寢苦枕塊。三年不入內。八旗之法。有喪者家居持服三年。公家事。則百日外。即出辦理。二十三年。遂奉

特旨。入內廷侍諸皇子讀書。

世宗憲皇帝與焉。尤敬禮之。未幾。陞內閣學士兼禮部侍郎。充平定三藩方畧副總裁官。尋陞禮部侍郎。郎。

特命同明珠伊桑阿阿爾尼同列內大臣班。二十八年。

陞本部尙書。論事。嘗諤。同列憚之。三十二年。緣事罷尙書。仍入直

內廷。三十五年。

聖祖親征厄魯特。噶爾丹。

世宗以皇子親王從征。分統正紅旗兵。

命顧八代侍行。明年凱還。積勞卧病。屢

召不能起。又三年始得乞休。以子顧儼襲世職。家居十餘年。雖有疾。視聽不衰。益研究經學。四十七年。十二月卒。家貧無以斂。

世宗憫悼。自藩邸親臨泣奠。製輓詩十章。遣王府官為

治喪具。乃得殯葬如禮。人服其清德。雍正四年。世宗追念舊勞。又嘉其學行。復還禮部尚書。加贈太傅。賜謚文端。

予全葬加祭。立碑墓道。碑文云。國家褒崇舊學。眷念前勞。其有品望重於班聯。經史陳於朝夕。勵靖共而匪懈。賁寵錫之加優。所以表嘉型。昭茂典也。爾顧八代。純粹宅衷。端方制行。早受知於

聖祖。游奉職於清班。出贊軍麾。佐蕩平之謀畧。入司典禮。矢夙夜之寅恭。

命講讀於內廷。効恪勤於歷歲。論聖賢之奧義。深契朕心。闡性道之微言。懋抒誠悃。比老成之告謝。誼篤始終。緬模範之猶存。禮隆贈卹。特頒祭葬。載復官階。晉爵秩於三公。垂琬琰於百世。易名象行。曰文曰端。於戲。睠懷素履。師資之益難忘。誕被新恩。耆舊之思彌切。絲綸式賁。竹帛流光。又

諭祭文。稱其才兼文武。績著西南。

聖祖仁皇帝懋酬庸之典。擢長秩宗。盡教義之方。選登師席。朕當冲幼。早近典型。論忠孝之大綱。語根至性。研經書之微旨。理契前儒云。雍正八年七月初十日。世宗特諭閣臣。言朕勅建昭忠祠。祀致命盡忠諸臣。其

經邦致治。黼黻太平者。亦建祠俎豆。命名賢良祠。世宗親舉應入祠者。滿漢大臣八人。而顧八代與焉。子

顧儼。仕至副都統。孫顧琮。累官河道漕運總督。江蘇巡撫。今協理吏部尚書。

阿什坦。字海龍。滿洲正黃旗人。姓完顏氏。金宗室之苗裔也。十世祖隆萬杭愛。生而智勇過人。敦信義。睦鄰里。輕財好施。故附近村落咸歸之。性喜捕虎。殺虎至九十有九。一日方祭祀。家人報園有虎。即持鎗往追。躍上虎背。以鎗戮之。虎亦嚙其足。虎死。隆萬杭愛亦被傷。顧謂家人曰。

此吾命也。後世子孫。當繪吾騎虎像祭之。遂卒。生四子。長鄂和睦。仲鄂克除。叔車特庫。季占楚。庫偏武。鄂和睦。生達晉都督。達晉都督。生達爾漢都督。達爾漢都督。生王楚偏武。王楚偏武。生噶哈。噶哈。生努爾漢。努爾漢。生魯克素。魯克素。生護齊哈。達齊哈。是時。

太祖高皇帝龍飛遼左。護齊哈兄弟二人。率族眾來歸。隸鑲藍旗。尋以其妹充。

太祖掖庭。改隸正黃旗內務府佐領。至。

太宗文皇帝時。護齊哈任內務府大臣。達齊哈任牛錄。

八旗通志 卷三百三十七
章京兼管遼漢人都督。總統火礮營。凡征高麗、蒙古、葉赫、烏喇、錦州、松山、及剿滅流寇。達齊哈嘗率所統兵爲前鋒。達齊哈生子十一人。女三人。阿什坦其第二子也。生而明敏。性至孝。母嘗誤加嗔責。婉容遜受。終不置辯。母偵得其實。謂吾向誤責汝。汝何不辯。曰。母教以正。奚敢辯。人問其故。答曰。古人謂天下無不是的父母。稍萌自是之心。則傷父母之懷矣。吾不忍如是。弱齡卽好讀書。於經史無不研究。身體而力行之。

世祖章皇帝順治二年。以通滿漢文。選授內院六品。他

勅哈哈番。時天下初定。滿漢人文漸盛。凡公事兼用滿漢文。阿什坦翻譯大學中庸孝經。及通鑑總論太公家教等書。刊行之。當時翻譯者。咸奉爲準則。卽止通滿文者。亦得藉爲考古資。九年壬辰科。初設滿洲科。遂中進士。

廷試第二甲第三名。是年陞授刑科給事中。時稗官小說盛行於世。滿洲人亦紛紛翻譯。阿什坦憂之。奏曰。臣惟致治係於人才。人才係於讀書。古人云。書能開人睿知。然則稽古勤學。所益非小。

皇上崇文重學。特開科選滿洲進士。八旗學者。家誦戶習。行見人才盛。文治興。而英雋輩出矣。抑臣更有慮者。學者立志。宜以聖賢為期。讀書務以經史為重。此外雜書無益之言。必概廢之。而不睹。則庶乎學業日隆。而邪慝之心無由而入。近見滿洲譯書內。多有小說穢言。非惟無益。恐流行漸染。則人心易致於邪慝。况聖賢古訓。日詳究之。猶恐不及。何暇費日時於無用之地。臣請皇上諭八旗讀書人等。凡關聖賢義理。古今治亂之書。仍許翻譯。此外雜書穢言。概為禁飭。不許翻譯。

此亦助揚教化。長養人才之一端也。又奏云。治國莫重於教化。教化莫要於風俗。自我

皇上御極以來。凡禮義政教之本。俱已漸次舉行。將見六合一家。風俗自美。然臣每見滿漢婦女。或乘車。或徒步。紛紛街市。易貿貨物。男女雜沓。甚非禮法。臣思京師乃天下觀瞻之地。况今七品以上。俱膺封典。身為命婦。與寒門婦女不同。宦家習尚。更為國體所關。體統尤不可不存。伏乞

聖鑒。勅部傳禁。以後八旗婦女。不得輕走街市。擁擠貿易。不惟風化之原可端。而政治之體亦美。又奏

云。臣惟致治之道。在於用人。用人之法。宜先定爵。我

皇上圖治惟殷。求賢如渴。設官分職。滿漢並用。各有品級。有正從。一如前制。詳且善也。獨是滿漢文職。自一品以下。俱有等差。而部院衙門內。竟無五品之官。稽古酌今。不無未備之憾。開創之初。事從簡畧。今我

皇上車書一統。萬國來朝。豈容官制不詳。陞遷越等。夫用人不次。出於

聖明之特眷。而尊卑爵級之大典。必不可畧而不詳也。

伏乞

皇上勅下該部。詳酌確定。一品至九品之制。庶幾定爵定秩。於焉大備。而銓衡次序。燦然有章矣。在垣中累疏言事。並蒙

聖明採納。於是滿洲人知崇正學。尚經術。而邪說不得行。京師男女有別。風俗丕變。未幾。設司禮監等衙門。因內遷尚方院員外郎。又遷文書館。又遷禮儀院。兼教習內侍讀清書。後以祭奉先殿到遲。被譴革職。仍以白衣領教習事。世祖嘗召至內廷。傳諭曰。爾慎勿執拘。用心教讀。行復

八旗通志 卷三百三十七
大用也。十八年。

世祖升遐。內侍各放歸鄉里。阿什坦亦投閒家居。時輔政大臣一等公鰲拜秉鈞軸。士大夫爭趨其門。一承顧盼。立得遷擢。其胞弟都統穆禮瑪之妻。阿什坦女弟也。穆禮瑪嘗薦其賢於鰲拜。鰲拜欲令一見。終不往。有賂白金三千兩。屬爲言事於穆禮瑪者。叱逐之。康熙七年。修

世祖實錄。大臣共薦爲纂修官。有同事者與不協。言實錄大綱已就。館中員數太多。應減五七員。遂奏准另用。咨於吏部。奉

聖祖仁皇帝特旨。內用九年。遇

覃恩。封承德郎。十二年。

聖祖召入便殿。問節用愛人。對曰。節用莫要於寡欲。愛人莫先於用賢。

聖祖顧謂左右曰。阿什坦。我朝之大儒也。以其耿介不合時宜。未克大用。我當用之。遂召令日逐於乾清門內。月華門旁侍值。朝夕顧問。

賜貂裘一襲。時

賜御饌。恩寵有加。十八年。以老疾引退。閉門謝客。披閱經史。焚膏繼晷。畧無倦怠。嘗訓其子曰。學當躬

八旗通志 卷三百二十七
行實踐。爾等講一分。不如行一分。古來聖賢。不徒在口頭議論。又曰。爾等慎勿以公而營私也。我別無可法。但做官三十年。不趨媚權勢。不濫受無義之財。是可質之神明。汝等當法之。又嘗教之曰。爾等慎勿服藥。凡醫所能愈之疾。皆可自愈。而自愈之疾。往往因藥纏綿。遂致不起。今之醫人。既無扁鵲華陀之儔。乃向庸庸輩求生。以試其藥。非慎疾不敢嘗之義。人能於飲食起居。不失常度。思慮意念。不馳騁外慕。則自可少疾。至於修短之數。已有成命。豈樹皮草根所能

挽回耶。又嘗曰。范文正公義田一事。吾最羨慕。第恨力不足耳。於是與諸弟及從子輩。公議立義會。一家有喪。則凡有俸金及食月銀者。人捐白金一兩五錢。卽於是日攢足。以助之。外有所賻。任其自便。自是有事之家。倉卒得辦。其子孫至今遵之。居五載卒。二十三年九月。以子鄂素遇

覃恩。贈中憲大夫。慎刑司郎中。管佐領事。二十七年。以子和素遇

覃恩。贈奉政大夫。上駟院郎中。翻書處總管。三十六年。

八旗通志 卷一百三十七
以子赫世亨遇

覃恩。贈通議大夫。卒之前一年。嘗謂諸子曰。人之生死。如草木之榮枯。此自然之理也。明年吾其逝乎。明年果病。寢疾時。戒諸子曰。族子特義順。卒無嗣。官產雖當我得。但爾等皆已食祿。族中猶有窮乏者。任其婦與之。爾等慎勿承受。諸子敬諾。乃卒。先是其婦翁吳巴太無子。易簣時。出一券付之曰。吾不幸無後。遺產當與族子弘德。若真長者。故以券相付。倘有爭者。若必證之。後果有爭者。訟於戶部。且以利相啖。阿什坦毅然曰。吾

可負死者耶。持券白部。卒直之。居奉天時。族人吳巴禮及郎圖。貧困不能自存。沒身豪右。阿什坦之父以金贖之。且各授以莊產奴婢。令保聚成家。後吳巴禮卒無子。族人請還所授產。阿什坦曰。我父仁恤宗族。故與吳巴禮。今卽無後。郎圖其從子也。宜卽與之。收產非先人恤族意。因語諸子曰。爾等處世。凡事莫占便宜。凡便宜處。卽是不義。此天理人欲之所以分。而君子小人之所以辨也。爾兄弟能以是言始終守之。是所願也。其存心明義利類如此。三子孝友有學行。

並能守其家學。孫白衣保現任理親王府頭等護衛。留保現任禮部侍郎。護守

泰陵。

牛鈕滿洲正藍旗人。姓何舍里氏。世居齋古地方。初以監生補欽天監衙門八品筆帖式。康熙八年舉鄉試。九年庚戌科成進士。改授翰林院庶吉士。十一年授翰林院檢討。是年十一月陞侍講。次年。

聖祖仁皇帝御試一等。十三年正月充

太宗文皇帝實錄纂修官。二月轉侍讀。十五年授

日講起居注官。三月十九日至

乾清宮講書經中庸各數篇。八月隨

駕幸湯山溫泉。同內大臣大學士等較射。

上稱善。十六年奉

旨翻日講四書書經清文二部。次年告成。十七年五月

二十日至

懋勤殿講大學中庸蒙

聖旨嘉獎訓諭尋隨

駕幸熱河召至

御幄講書經。

聖祖顧左右侍臣云。此乃貝勒之侍衛索渾之子也。學問乃翰林中第一。復命讀。

御製詩。十八年三月。

御試列一等。五月。

御試復列一等。陞侍講學士。六月。轉侍讀學士。十九年。

補

經筵講官。總裁翻易經清文。五月告成。進秩一階。六月。

賜御書唐詩二章。十一月。

特賜貂裘朝衣二件。二十年出使朝鮮。

聖祖召至養心殿諭云。朝鮮國小民貧。沿途費用宜儉。

凡事慮而後行。勿使輕我中國。通官不能傳諭者。汝

書漢字諭之。三月十五日。至朝鮮境。宣布

恩德。沿途筵宴供給。概不收受。二十八日至其國。將近

城。朝鮮國王遣使稱疾。欲不出城接

旨。因手書漢字書一函。付來使寄國王云。爾雖東隅小

國。素知禮法。吉凶禍福。皆天所命。不在王之出

城。不出城也。書經云。作善降之百祥。作不善降

之百殃。王果誠心奉事

天朝。此卽王之作善。天必降祥。而

聖主定加無窮之恩賚。王之子孫世受

寵命。豈不善哉。王若惑於無稽之言。中懷二心。外越禮

法。此卽王之作不善也。恐天降殃。王能免乎。王

熟思而後行之可也。朝鮮王得書。卽出城接

旨。極盡屬國之禮。事畢。五月回都。隨

駕幸馬蘭峪溫泉。應制詠詩四章。二十一年。陞詹事府

正詹事。隨

駕幸盛京。五月。陞翰林院掌院學士兼禮部侍郎。時

聖祖刻昇平嘉宴效柏梁體詩。凡與宴倡和者。人

賜一冊。其未及與宴倡和者。惟大學士王熙及牛鈕。

特賜焉。六月。

特旨命總裁明史。並鑑古集覽。十一月。充平定三逆神

武方畧副總裁官。是月。

太宗皇帝實錄告成。以本官加一級。賜蟒緞十端。銀五

十兩。二十二年正月。

特賜緞三端。馬一匹。二月。奉

旨教習庶吉士。二十三年八月。轉內閣學士兼禮部侍

郎。十一月。奉

命祭西嶽暨江瀆。二十五年四月。奉

命考校漢軍官試卷。五月。給假養疾。七月卒。年三十九。

八旗通志 卷二百三十七
賜卹贈及造葬銀兩如典禮。又特遣內大臣黃海弔奠子三人。永福現任

盛京兵部侍郎。延福原任副都統。

星安滿洲鑲藍旗人。生而嗜學。兼通滿漢文。律法數學。無不博覽。初由國學生考授欽天監筆帖式。三年。揀選外用。爲陝西按察司筆帖式。在任六年。益明習刑法。俸滿回京候陞。康熙十二年冬。逆藩吳三桂反。明年。耿精忠相繼反。

聖祖仁皇帝命安親王岳樂爲定遠平寇大將軍。由江西進勦。星安以蘇喇章京從征。時江西南豐處

士謝文游講宋儒理學。居程山授徒。星安在戎馬倥偬中致書問學。得文游答書。奉爲學式。遇事必誠信。言笑不敢苟。在軍前七年始還京。補光祿寺員外。二十三年。

聖祖御試八旗文學之臣。以

御製竹賦爲題。各令翻譯。以覘滿漢文義。應試者自通政使以下。筆帖式以上。共五百餘員。

賜御饌及珍鮮菓品甚盛。仍

勅各官自度能翻譯完卷者。乃許食。而

御製賦所用典故宏博。多未能通曉。於是不敢食者殆

八旗通志卷三十三
半試罷。

聖祖親定等次。一等者十人。二等者八人。三等者五十人。共取六十八人。而星安爲一等第一。是年遂陞授左春坊左中允。復遷翰林院侍講。充日講起居注官。又遷侍講學士。尋轉侍讀學士。三十年。陞補內閣學士兼禮部侍郎。充經筵講官。三十九年。充

三朝國史副總裁官。星安以文學受知九重。游歷清華。禁闈侍從。益加勤慎。尋陞授

盛京工部侍郎。緣事註誤家居。衰年不廢書冊。接見後進。衣冠嚴整。咸敬重焉。未幾卒。

達瑞。滿洲正黃旗人。姓何舍里氏。字輯菴。世居葉赫。遞傳至達瑞。高祖喀爾秦。自葉赫來歸。事太祖高皇帝。祖麻色。扈從

世祖章皇帝。至京師。始隸正黃旗。父侍讀學士勒貝。事聖祖仁皇帝。潛心周易宋五子書。故達瑞少承家學。博通經史。康熙十一年。吳三桂有逆謀。

聖祖命勒貝往覘虛實。明年冬還。報吳逆反。十五年九月。奉

命從安親王岳樂討吳逆。署叅謀。尋以失大學士索額圖意。被劾降調回京。達瑞始以監生從大兵討吳逆。由楚進蜀抵滇。事平叙軍功。補督捕衙門筆帖式。三十一年。調甘肅筆帖式。甘肅巡撫凡七易。咸重其才品。甚見委任。蘭州有土豪徐五。依勢奪民王某婦。巡撫布喀用達瑞言縛致獄。徐五輿萬金求解。却之。婦卒歸王氏。徐五斃獄中。某千總拾黃絹一幅。爲仇家所訴。稱絹押御璽。牽連甚衆。巡撫仍委達瑞勘覈。得其僞狀。卽列請以實情入。

告。因盡釋牽連者。噶爾丹之叛。巡撫郭弘運軍儲往甘肅。沙道難行。達瑞計募土民並運。兼晝夜前進。軍賴以給。在蘭州十三年。俸滿。陞吏部考功司主事。蘭州士民走送數百里外。攀轅號泣。四十一年。丁父憂。哀毀骨立。喪葬事宜。一本朱文。公家禮。不用浮屠。服闋。調任考功。清勤自勵。每閱稿案。至漏下數刻。恪遵

欽定則例。案無留牘。人無怨言。四十三年。山東饑。選能員分賑。尚書陳廷敬特舉達瑞。比至。分得平原縣。是時戶部侍郎穆和倫總理賑務。宣言各縣

饑民有極貧戶。有次貧戶。有富戶。一例子賑。是糜

國帑而養奸民也。賑濟各縣戶口。其無過三千人。過者叅處。達瑞獨爭曰。縣非一戶。戶非一例。貧戶止三千。誠無得過也。貧戶過三千。安得減。是在覈其實耳。平原邑大人稠。按戶清查。富者百無一二。額限三千。不得邀

皇恩者衆矣。請詳核遍給。雖叅處不得辭。穆和倫悟。從之。初議截江南糧爲散賑用。而江南漕運尚未至。遂與同事者蘇某。范某。因稽查戶冊之便。各

捐俸資。市衣錢載以行。先賑極貧戶。比運米至。又念民疲。止於一處賑放。則遠者不能待。乃分五賑所。中一所。設局縣衙前。東西南北四局。距城各二十里。與蘇范二人輪派分放。民有爲里長邀於路而奪其糧之半者。卽拘令荷校通衢。平原令王某放糧。出以小斗斛。立碎之。將列叅。王令懼。盡易官斗斛乃已。是役也。每州縣賑冊戶口多者不過三千。蓋仍依初令。而平原冊獨至九千三百餘人。達瑞一人所賑戶口。至三千五百三十四人。平原民感泣。立生祠祀焉。比還

八旗通志 卷二百三十七
京。

聖祖溫旨有加。御書堂聯。澄心如止水。力學比登峯。二句以

賜。旋議叙。遷戶部江西司員外郎。尋改內務府。四十五年二月。其從父黑龍江將軍佟寶有罪。達瑞牽連落職。於織上行走五十年。

聖祖憐其誑誤。特放歸田里。既歸。惟以經史自娛。尤嗜周易尚書。於廿一史諷讀數過。畧上口。自言其學以不欺爲本。不懈爲程。不貳爲始終。慎於著述。嘗戒諸子曰。學在躬行。不在文也。順天府舉

鄉飲大賓。本旗應

詔舉人品端方。並以老疾辭。尋卒。四子能承其學。何浩。何溥。同榜登進士。尤有文名。溥從征準噶爾。戰沒。自有傳。

高璜。漢軍鑲黃旗人。先世家遼東。仕明世襲指揮使。

太祖高皇帝取遼東。始屬

本朝。至璜父必光。從

王師入山海關。破流賊有功。遂隸旗籍。累官至固山大璜。其第三子也。幼沉毅。讀書工舉子業。年

十九。中康熙八年己酉科順天鄉試。明年庚戌成進士。授弘文院庶吉士。癸丑散館。改工部都水司主事。巡視玉泉山水利。十三年乙卯歲。奉命往權江南蘇州府。澣墅關稅務。時吳三桂耿精忠反亂。江浙用兵。商賈稀少。稅課缺額。璜加意恤商。於是賈舶麇至。課以不虧。差滿還朝。隨尚書奏事。

聖祖仁皇帝溫旨訓諭。爾旗下進士官治事之暇。不可荒廢經史。時青宮甫建。方事營繕。璜已注擬出任通惠河分司。

特旨命督造青宮工役。璜庀材量工。甚著勞績。

賜予稠疊。十九年。遷本司員外郎。尋轉禮部郎中。奉

命往江西。以按察司僉事提督學政。江西文學素盛。吳耿變亂以來。地當三寇之衝。人民流離。大亂初定。絃誦未復。士習媮窳。前學臣庸陋。苟取腐文充額而已。璜下車。矢志振興。以江西從前陳羅章艾諸大家文爲鵠。三令五申。嚴飭士子不得作時下惡濫文字。先行月課。以原卷發還各學。令士子公閱。大抹細評。塗乙滿紙。諸生震竦。始盡棄俗學。講求先正規程。士風立變。所刻校士

錄文字。流布海內。江西士子至今追數試牘。必首稱高宗師云。又修復宋儒朱子白鹿洞書院。延名儒講學其中。士行益修。督撫交章論薦。加秩陞叅議道。還

京候補。二十五年四月。

聖祖親試八旗漢軍諸臣。乾清門應制詩一首。治天下有道論。敬陳天下形勢。以備一統志。叅攷疏。各一篇。

聖祖閱璜卷。歎異。拔為第一。二十八年。再試八旗漢軍諸臣。生事不如省事疏。又取璜置特等。遂

特旨補授翰林院侍講。尋轉侍讀。

命入乾清門內上書房。侍

諸皇子講讀。璜勤謹輔導。悉心論說。昕夕不敢懈。

聖祖親征漠北。及每歲

行幸清暑口外。璜並隨

諸皇子扈從。在

內廷年久。扈

蹕出塞者十次。尋以目疾乞休。四十一年卒於家。年五

十有二。雍正八年。江西士子念其教澤。公請崇

祀名宦祠。

世宗憲皇帝虛公審慎。

勅下督撫學政諸臣。毋得以璜有舊學之勤。濫有此請。尋覆奏。遍詢江西士子。並稱璜實有振起江西文風之功。始奉

俞旨准崇祀焉。

布泰。字階平。滿洲正黃旗人。姓瓜爾佳氏。世居蘇完地方。生而沈毅端凝。言笑不苟。性嗜學。博聞強志。貫通經史。少入國學。潛心肄業。讀書每終夜不倦。嘗言讀書當玩索古人之用心。實有根據。方能獲益。由官生考補內院筆帖式。旋授

中書。時逆藩吳三桂耿精忠相繼反。南省奏報叢集。日隨大學士等辦理軍機。多所贊畫。康熙十五年。隨內閣學士佛倫。往滇南辦理軍餉。精密妥協。携有尚書通鑑等書。公務之暇。手不釋卷。議事必酌古準今。佛倫器重之。及事平還京。佛倫特疏保薦。二十年。擢內閣侍讀。二十三年。大學士等交章保薦。陞刑部郎中。凡遇

欽案及疑難事件。俱經伊審理。平允得宜。理訟務揆情察理。不輕用刑。謂同輩曰。人孰無良。取供能聳其天良。平心審察。自得其情。輕用刑。則情反

爲刑所隱矣。時有首民人王揚白謀逆者。該部具奏。

特命布泰往執之。除夕至其家。察無叛狀。併執首者以還。備悉情狀入

奏奉

旨褒美之。

特遣往滹灘河監造船隻。督運軍糧。所造船隻堅固如式。糧運剋日交納。二十五年。

特點監督龍江關稅務。抵任。吏白向例銀每兩視定額加二分收納。布泰責之曰。國家設關。原以通商

裕民。溢額加收。是剝商病民也。烏乎可。嚴禁胥吏。絲毫不濫取。政有便於商民者。忻然行之。見貧民。輒惠以金錢。有故莫能斂者。施給斂具。於地方多徵善行。商民感之。爲建碑立生祠祀焉。任滿還都。僅完額帑。囊橐蕭然。三十二年。

聖祖召入。出性理題試其學。布泰清漢立就。書作稱最。聖祖嘉獎之。授內閣侍讀學士。三十五年。

命隨撫遠大將軍伯費揚古往征厄魯特噶爾丹。由西路進兵。至昭莫多地方。遇賊。奮勇擊破之。得頭等功牌一。二等功牌一。軍中一切機務。大將軍

必商及之始行。凱旋後。費揚古奏稱臣一武夫。

賴

聖主洪福。克奏捷音。皆學士布泰參贊之力也。臣不敢

隱人之善。謹據實奏明。奉

旨。朕知其才。故遣之耳。三十六年。陞內閣學士兼禮部

侍郎。明年充

經筵講官。又充纂修明史副總裁官。奏請

封典。蒙

特恩。錫予誥命。布泰曾祖克納。祖蘇孟額。父布禮渾。俱

贈光祿大夫。本身亦封光祿大夫。三十八年。隨

聖祖南巡。沿途紳衿所獻詩文賦頌。俱

命布泰查閱編列次第。進呈

御覽。時召至

御座傍。令評優劣。或

賜題命和。奉

旨褒獎曰。不由科目出身。克敦實學者。諸臣中惟布泰

耳。因

御書木天二字匾額以賜。時川撫于養志與提督岳昇

龍互揭奏報。

特命布泰偕內閣學士羅察往按之。至川按事。公正嚴

八旗通志 卷二百三十七
明毫不瞻顧。方旬日卽定案。川省員弁。一無株連。往還途次。有餽程儀者。屏却之曰。與其將迎過客。何如持去惠恤窮民乎。概不受復。

命得

旨獎勵之。三十九年七月。陞

盛京刑部侍郎。八月抵任。查積案至數百件。歎曰。法司如是遲延。民何以堪。晝夜批斷。未閱月。積案全結。尤多平反。旗民德之。疏奏

盛京乃開國之基。整飭風俗。莫先於得人。五部司員。甚屬緊要。嗣後司員缺出。請將

京城司員內揀選補授。於地方實有裨益。

奏入。

詔從所請。十二月。緣事降級。解任回京。隨旗行走。四十一年。

特授正黃旗察哈爾地方遊牧總管。察哈爾蒙古。向罔知禮義。布泰至。始爲之立條約。宣教化。首重倫常。加意勸導。年餘胥化。頗識倫理。顧廉恥。因邊外耕作不如法。募近邊內地老農。教以播種。又奏請設義倉。秋收春賑。蒙古至今賴之以生。四十四年。以厄魯特降臣丹濟喇。奏請給假往推

河地方居住。

聖祖命布泰領兵往推河地方防守。授右翼四旗總尉。特賜孔雀翎。純紅色方褥。起程日請

訓召入

諭之曰。防守之任。非武士所能勝。爾學識兼優。故令前往。其相機以行。布泰率官兵至推河。與士卒同甘苦。時諭以忠君愛國之道。以勵其志。會糧乏。布泰日僅一餐。軍士效之。得以不匱。居三載。軍規整肅。外藩蒙古聞風憚之。四十七年。班師還復。

命

聖祖慰勞之。返任所。以勞瘁成疾。然猶日與諸子講論經史性理諸書不輟。四十九年十一月。病危篤。諸子請遺訓。第云存心力學。他無所及。是月十三日卒。年六十。布泰秉質剛方。持躬體介。然氣度和平。生平不與人校。不言人過。勤於職業。篤於宗族。信於朋友。居官四十餘年。家無薄產。嘗布衣蔬食。躬尚儉樸。以濟人爲心。每典衣周急。在所不恤。尤敬禮儒學。喜提携後進。迄今人多感頌。且終身力學不輟。能敦實行。鄉黨以孝友稱。少失怙。事母維謹。母病嘗數日不食。布泰亦

不食。母進食。然後食。居母喪。三日不飲水。五日不啜粥。痛切盡哀。形容骨立。逾百日。限於旗制。日朝入署。暮歸依墓所。持服三年。哀迫不衰。與二弟甚相友愛。後弟故。撫弟之子。愛如已子。終世不令析居。其學行類如此。長子長柱。現任刑科掌印給事中。兼佐領。次子旒保。中雍正二年甲辰科進士。

八旗通志初集卷之二百三十八

孝義傳

國家創業東方。風氣淳古。渾渾噩噩。比於三五之盛。人敦實行。不務榮名。忠孝節義。視為當然。至於子弟。至性卓然。可以追古篤行之士者。未嘗震而矜之。謂可以表當時。傳後世也。順治九年十一月甲申。

詔諸王宗室內。有孝友義順者。聽宗人府核實具奏。禮部卽行照例旌表。十年五月。定旌表宗室節孝例。康熙三十七年十二月戊午。

聖祖仁皇帝特諭大學士等。言興起教化。鼓舞品行。必以孝道爲先。節婦應加旌表。孝子尤宜褒獎。八旗中豈無孝子乎。其居官殷實者。行孝乃分內事耳。貧人克盡孝道。誠爲非易。如有身處貧寒。能盡孝於父母者。察明奏聞。

聖諭諄切如此。然八旗大臣。比戶而稽。莫不歆然退讓。其宗室長老。亦以爲人子庸行。未敢舉以應詔。蓋風俗之淳。猶東方也。

世宗憲皇帝登極。雍正元年

恩詔。言旌表節義。給銀建坊。民間往往視爲具文。未曾建立。恐日久仍至泯沒。不能使民間有所觀感。著於地方公所。設立祠宇。將前後忠孝節義之人。俱標姓氏於其中。已故者。則設牌面於祠中祭祀。用以闡幽光而垂永久。著該部議奏。

殊恩曠典。千載而一時者也。尋經禮臣議覆。言八旗分左右翼。擇地各建二祠。一爲忠義孝悌之祠。立石碑一通。將前後忠義孝悌之人。刊刻姓氏於其上。已故者。立牌位於祠中。一爲節孝之祠。門外建大坊一座。將前後節孝婦女。標題姓氏於其上。已故者。設牌位於祠中。每年春秋二次致

八旗通志 卷三十八
祭交與宛大二縣。其建立祠宇牌坊交與工部
營造。臣部於每年二月內將前一歲八旗送到
孝行節義彙疏題請

旌表。以後永為定例。其建坊銀兩。嗣后應行停給。即
日奉

旨。孝行節義。建立牌坊。年久毀壞。遂致湮沒。今欲設立
祠宇。特為昭垂久遠之意。並非欲節省錢糧。部議建
立祠宇。停給建坊銀兩不合。建坊銀兩仍著給與。餘
依議。蓋

聖意之加恩於忠孝節義者。深厚如此。然八旗人士。欲
然退讓如昔。節烈婦女舉報甚多。而舉孝子者僅三
數人。今敬稽

實錄所載。及各旗冊籍。附見孝子義士。採錄十數人。備
存梗概。作孝義傳。

孝義傳

達拜

夏穆善

范成譜

陳汝器

翁杜

和爾渾

沙木哈

甘國城

鄂素

佟良

鍾保

色爾岱

克什布

舒蘭

達拜滿洲鑲白旗人。姓郭爾羅斯氏。世居沾河地方。年十二。

太宗文皇帝選取隨侍肅親王豪格。王年亦幼。達拜昕夕不離。比王年長分封。令達拜掌王府錢穀事。太宗復取回任用。屢試以事。五年復遣詣王府。又遣索尼巴克式。

論王曰。達拜忠慎。爾其信任之。順治三年。肅親王往征四川。達拜從行有功。四年。破張獻忠等賊。凱還。時睿王攝政。惡肅親王不附已。誣致其罪。幽禁之。王府舊時護衛人員。俱不敢近。惟達拜不避。

相害。日往伺候。具飲食。親送至禁所。王性不喜。穀食。達拜令妻手治具。烹包縷切。如王素所嗜。而後進。詢門者。王飲食如常。歸卽欣喜。如云。王憂懼。飲食減少。歸卽涕泣。憤悶閉目。終日不言。語。不飲食。至五年。王薨。達拜哭泣盡哀。助王府備衣棺。治喪事。旣葬。踰月。達拜上月墳。訖。叩辭。王二子歸。卽自經以殉。睿王聞之。大怒。下令暴其屍。執其家人。踰數日。莫能殯斂。義烈之氣。路人皆爲哀感。順治七年。

世祖章皇帝親政。肅親王寃得白。達拜之父朱馬海。攜

二孫噶爾哈圖。杭藹。以達拜殉義事叩

閹。第四日。傳至吏部。奉

特旨云。察例。以身殉王。無給官職之例。但達拜嘗伊王獲罪之時。不顧利害死生。以身從之。甚屬可憫。可照殉

太宗皇帝大臣例。給與三等阿達哈哈番。著伊長子噶爾哈圖承襲。世世罔替。又

勅附葬肅親王墳園。以旌其義。先是達拜之兄敦達禮於

太宗文皇帝賓天時。以死從殉。特給世職。故

八旗通志 卷一百三十六
世祖用其例。推恩達拜。八旗人士亦傳誦其兄弟忠義。並堪不朽云。

和爾渾者。亦滿洲鑲白旗人。性忠義。不避利害。自少小時。卽與達拜友善。達拜以肅親王冤死。發憤從殉。忤睿王。暴其屍。又盡收其妻子。下詔獄。加嚴刑。達拜屍暴露數日。僅覆以席。親黨環視。哀悼而已。莫敢收斂。和爾渾獨憤然直前。竊負其屍。手爲包裹。藏於荒廟。達拜妻子得釋。始就廟中得全屍以葬。和爾渾之義烈。亦與達拜並稱於時云。

夏穆善。滿洲正紅旗人。原任盛京將軍葉克書次子。初爲噶布什賢轄。有勇好義。崇德三年。從征明至山東。與碩翁科洛巴圖魯敗吳總鎮兵。五年。從征明圍錦州。與布丹敗明杏山兵。七年。圍錦州。又與沙爾呼達敗明經畧洪承疇三營兵。比洪承疇兵與右翼戰。又同布丹敗之。武英郡王阿濟格駐扎杏山。遣夏穆善往寧遠探捉間諜。歸至烏喇峯前。有寧遠兵六百人來追。卽與鄂碩同擊敗之。順治元年。隨睿王多爾滾入山海關。追流賊於安肅慶都。並有功。十一月。從

八旗通志 卷二百三十六
豫親王多鐸南征。與布丹五敗流寇於潼關。二年五月。隨豫親王克南京。有敵兵來攻江寧府橋。卽與富喀擊敗其衆。時明福王已遁。隨圖賴等往跡之。遇賊兵。卽同科爾坤敗之。三年二月。隨征南大將軍貝勒博洛。往定福建。有僞副將守白楓嶺。與敦多敗其衆。過嶺。與和託敗僞帥吳愷兵。遂與巴音岱進兵。司西鋪。至渡口。敗其守兵。捉生逐哨。斬五十五人。生得三人。論功授半個前程。三遇

恩詔。累加至三等阿達哈哈番。九年三月。多羅順承郡

王勒克德渾薨逝。夏穆善以係本旗之王。恩遇素厚。遂慷慨從死。禮部以聞。奉

旨。這殉死可嘉。著給與拖沙喇哈哈番。後不爲例。於是由三等阿達哈哈番。加爲二等阿達哈哈番。以第五子翔格色承襲。仍

予卹如典禮。人服其好義。咸稱爲從前未有云。

沙木哈。滿洲鑲白旗人。性孝友。康熙三年春正月。沙木哈爲弟三泰毆傷瀕死。本旗執其弟送刑部。沙木哈自念同胞。止有一弟。倘身死。弟又抵罪。無人守先墓。撫諸孤。令其妻哈里克言於

八旗通志 卷二百三十八
官。活三秦之命。比沙木哈死。哈里克遵遺言。叩
闕求贖。三秦罪得。

旨。從所請。免其弟死。哈里克仍自盡以殉夫。事聞。部議
旌表。奉

旨。命禮部立碑墓上。書其事於石。夫婦孝義。八旗並傳
頌焉。

范承譜。漢軍鑲黃旗人。幼讀書。知忠孝大義。康
熙十二年。從族兄福建總督承謨赴任。助理政
務。明年。鎮守福建靖南王耿精忠。假公事誘執
承謨。據福建反。以承譜等數人。在幕中任事。併

執之。勒令降。不屈。拘幽三載。十五年。康親王傑
書。統兵入閩。精忠害承謨。併害承譜等。四十七
年。承謨子廣東巡撫時崇。疏奏承譜等仗義死
事。言臣父殉難時。相隨殉難者共五十三人。內
有生員嵇永仁。王龍光。儒士沈天成。族叔范承
譜。伊等同臣父。被逆幽囚三載。矢死不屈。守節
盡忠。仰祈

特沛恩綸。

予以一命之榮。入於臣父祠堂。得邀陪祀之典。等語。禮
部議覆。言十七年。浙江巡撫陳秉直。因游擊魏

萬侯之子生員魏棟與伊父同時殉難。題請賜卹。吏部等衙門議覆。生員殉難者。無

恩卹之例。將生員魏棟酌量贈國子監助教。加贈官員。例應撰給。

勅命。移送內閣撰擬給發在案。今生員嵇永仁。王龍光。照例追贈國子監助教。其沈天成。范承譜。俱係白身。雖無追贈之例。但伊等遭逆不屈。與范承謨同時殉難。應將沈天成。范承譜酌量追贈國子監學正。俱照例送內閣撰給。

勅命。其嵇永仁等四人。應如巡撫范時崇之請。准入

范承謨祠堂陪祀。俟

命下之日遵行。尋奉

俞旨。令范承譜等四人。並設主從祀承謨祠。

甘國城。漢軍正藍旗人。原任雲貴總督文焜第四子也。性至孝。知大義。初補國學生。文焜由直隸巡撫陞雲貴總督。丁內艱歸葬。請終制不許。復赴任。間關南北。馳驅萬里。諸子分仕四方。惟國城相依隨行。跬步不忍離。文焜起復赴任。僅兩月。而吳三桂據雲南反。貴州兵將俱已受三桂賄餌。全城從逆。文焜縊其眷屬七人。率國城

及二筆帖式馳赴鎮遠府。欲用鎮遠城守兵。搯油榨關以拒三桂。而守將江義又已降賊。文焜知事不可爲。遂至吉祥寺。自刎以殉。國城哭泣。具棺斂訖。卽自經於父柩之旁。二筆帖式亦從死焉。二筆帖式。一名雅圖。滿洲鑲黃旗人。給拖沙喇哈番世職。一名何善。亦滿洲人。旗分未詳。後貴州巡撫閻興邦請於

朝。建祠祀文焜。

賜祠名勁節。黔人議以國城及二筆帖式從祀於祠。未及

上聞云。

陳汝器。漢軍鑲紅旗人。生而至孝。父啓泰。任福建巡海道。康熙十三年。耿精忠叛。啓泰全家殉難。汝器赴漳州扶櫬。被海賊劫掠下海。幽囚兩載。不屈。乘間冒險逃歸。颶風毒霧。出沒波濤。竟以其父櫬還家。

聖祖仁皇帝嘉其父子忠義。優贈啓泰工部右侍郎。諡忠毅。

予祭葬如例。汝器以通政司左右通政大理寺少卿用。二十年十一月。補右通政。尋陞左。二十二年二

月。陞右僉都御史。遇事陳奏侃侃。二十三年。陞太僕寺卿。二十七年五月。陞大理寺卿。三十三年十一月。陞刑部侍郎。三十五年。巡撫安徽等處。三十七年。罷歸。四十年。任佐領。雍正四年。以老乞休。尋卒。

鄂素。字紹德。一字位公。姓完顏氏。滿洲鑲黃旗人。父阿什坦。見儒林傳。鄂素生而孝友。三歲時。乳母持餽與之。不肯遽食。曰。待兄來。當共食之。侍父母側。命之坐。不肯遽坐。曰。兄尙未坐。與兄赫世亨。和素同居。四十年。未嘗有不豫之色。母

卒時。甫七歲。卽擗踊悲號。幾於滅性。及見父。則抑哀承顏。昏定晨省。惓惓不倦。有事他出。必依戀親側。久之乃行。兩事繼母。從未失口。稱一繼字。繼母亦撫愛特甚。父母寢疾。親奉湯藥。禱天祈壽。衣帶不解。面垢不盥。父沒。哀毀瘠羸。杖而後能起。力疾治喪。又與兄和素謀曰。父母之恩。昊天罔極。按禮。士大夫皆有家廟。今必爲父母立祠堂。朝夕瞻拜。庶幾事亡如存。於是鳩工構堂於居室之東。朔望奠祭。歲時蒸嘗。必誠必敬。兄偶外出。寢食懷思。遣人問起居。計資斧。度僕

八旗通志 卷一百三十八
馬約歸期。絡繹不絕。及歸相見。則喜溢顏色。居常得一食。必使人饋之二兄。然後食。或得帛將製衣。必先爲二兄製。然後衣。居官二十載。無私財。無私蓄焉。次妹再繼母出也。于歸有期。因商之兄曰。母在。資奩猶可斟酌。今惟吾兄弟是依。若少不備。何以自安。於是罄已所有。悉以資之。家庭間。藹然以和。又肅然有則。僕婢數十口。未嘗怒詈鞭笞。皆翕然不忍負。儼然不敢犯。待族黨。少長有序。相聯以親睦。婚喪拮据。必周其艱難。行李往來。必濟其匱乏。不遺餘力。乃已。待朋

友亦然。性嗜詩書。善騎射。公退。手不釋卷。時出遊。則馳射破的。以爲娛。留心經史。見一嘉言善行。是則是。是倣。嘗語兄和素曰。吾人讀書。貴乎身體而力行。不徒慕淹雅之譽。至於文辭。要在意達理暢。不可馳騫靡麗之工。兄弟時時促膝聚談。公署所行。互相咨訪。是非利弊。折衷歸一。論賢否。析理欲。輒至繼膏更僕。康熙二十年。奉

命看管膳錄通鑑等書。謂諸生曰。爾等徒抄寫而不識之於心。豈不虛曠此日。因令其每暮歸時。俾各述所錄之書。不能者有罰。因之各知刻勵。學問

多有進者。弱冠時。爲內務府筆帖式。有呈狀者。應筆帖式取供。辭達情盡。虛實昭然。總管深異之。遂委爲筆帖式長。十六年。授總管內務府主事。政務清理。十八年。陞慎刑司員外郎。聽訟務得其情。人稱爲白面包公。二十年。遷本司郎中。聖祖仁皇帝特旨云。朕用人不拘資俸淺深。因爾勤敏。特擢斯職。二十二年。又奉

特旨兼管佐領。先是京師舊俗。喪家棺衣輿具。皆出租賃。無賴小人。分占坊巷。勒索百端。貧者傾家莫辦。因捐資製造。爲本佐領喪家公用。且立一義會。糾約所屬。勿分貴賤。但遇有喪之家。每人出銀一錢相助。謂捐者微。則人易爲力。所湊者多。則其事易集。是後貧家之喪。不苦於殯斂。至今便之。二十二年。奉

命管看膳錄

太皇太后御覽書籍告成。賞銀五十兩。又奉特旨。鄂素賢能著聞。著同侍郎等。修濬下河。二十八年。重修大清律例。部臣請簡才能官纂修。

聖祖特旨。慎刑司郎中鄂素。文理旣通。又練達事體。著同部員纂修。二十九年。授掌印郎中。旋奉差督理通

八旗通志 卷一百三十六
惠河漕運街道抽分倉廩兼理永平密雲紅號等事。到任。卽咨工部免徵三十七州縣稅課。一日忽心動。曰吾兄病矣。自灤州關。一晝夜馳還。沿途祈禱。願減算與兄。誓茹素三年。至家。兄果病且困。喜見其至。豁然甦。病亦漸輕。然親視湯藥。寢食不離者兩月餘。兄疾痊。始之任。三十一年。卧病。猶茹素。

聖祖聞之。遣醫診視。且著來京攝養。及病篤。又增遣良醫調理。并令其入宮。長女出視。既卒。

聖祖惋惜者久之。

特降諭旨。郎中鄂素。病卒於官。深爲可憫。著護柩入城歸第。比喪旋時。解中胥吏。河上役夫。與通州商民。咸悲慟如喪所親。年四十一歲。子留保。辛丑進士。現任通政使兼詹事。署理翰林院掌院學士事。翁杜。滿洲鑲白旗人。副都統圖克善之次子也。性篤孝。康熙四十二年八月。圖克善病。服藥不能愈。翁杜年甫十八。日夕傍徨。聞古有割股愈親疾者。遂於密室割左臂肉。和藥以進。父病旋愈。闔旗稱爲孝子。五十二年。翰林院奉

旨修滿洲氏族大全。本旗都統以翁杜割股事造入冊內。移送書局焉。

佟良。蒙古鑲黃旗人。事親以孝稱。其母於康熙四十九年五月得病。醫治不愈。佟良遂於庭中焚香叩拜。默爲禱祝。潛入已室。將左臂肉割取一片。託言祭肉。奉母食之。其母於第三日病愈。又伊二兄烏綳額。患吐血病甚篤。佟良往東嶽廟祈禱。於右臂燃燈七盞。焚香禱神。願減已算。移與伊兄。自是兄疾亦愈。佟良後任天津州防禦。刲股燃臂。雖未合於正理。其孝友之誠。亦可嘉焉。

嘉焉。

鍾保。滿洲鑲黃旗人。幼時卽以孝稱。父母訓誨。語必敬守無違。出必告。反必面。每事先意承志。父希普。以步軍校從征逆藩吳三桂有功。比積俸將得遷轉。鍾保念父年老。力勸請休。家居就養。昕夕不少違。前母所出兄。析居蕩產先卒。鍾保撫其孤。俾同居。教育婚娶。祖遺田宅。悉推與之。康熙三十九年。由官學生補刑部筆帖式。累遷本部員外郎。調內務府。旋任倉場監督。任滿。陞刑部郎中。五十三年。父沒居喪哀慟。水漿不

八旗通志 卷三十八
入口者三日。或戒以母在不當致毀。始節哀事母尤謹。每公退歸。必依依母側。夜歸亦必於窗外候母動息。安而後歸寢。母有弟二人。貧苦。鍾保體母志。竭力周之。年四十餘。孺慕不少改。雍正二年

恩詔。命天下舉孝子順孫。本旗公舉鍾保應

詔事。下禮部議覆。給銀三十兩。建坊旌門。奉

旨依議。尋奉

特旨授甘肅按察使。遷布政使。緣事罷歸。復起官湖北

布政。陞湖南巡撫。調任湖北。今現任工部侍郎。

覺羅色爾岱。滿洲鑲紅旗人。

景祖翼皇帝長兄之七世孫也。性篤孝。年十七歲時。父病。不脫衣帶。侍養日久。醫藥無效。病漸危急。色爾岱夜深獨至庭中。飲泣禱天。願以身代。取利刃。割左臂肉。爲湯以進。疾乃少間。父沒後。事寡母益孝謹。母病。飲食減少。則已亦節飲食。或病不能飲食。則已亦不飲食。母疾愈。飲食復初。然後已亦飲食。族黨嘆羨。咸以爲難。雍正元年

恩詔。令天下舉忠孝節義之人。色爾岱時以官學生任緞疋庫庫使。於是從兄翰林院庶吉士覺羅恩

壽戶部員外郎覺羅栢修等率同宗族公舉色爾岱孝行以應

詔旨。下禮部議。給銀三十兩。建坊

旌其家。色爾岱辦事精明而誠篤。六年。授銀庫主事。

仍兼管緞疋庫事。時

國家承平日久。府庫充實。緞疋多朽蝨。前後司庫者交代盤查。約畧檢點而已。莫能稽其細數。或架滿無度。閣之所。則委積於地。色爾岱謂

國用所關。理宜清核。請於總理三庫王大臣。分別新舊朽蝨爲三等。三月而畢。數目井然。自是前

後官可以按數交代。不致侵蝕。其委積在地者。色爾岱復捐已所應得公費飯銀。約二千兩。造架盛閣。煥然一新。王大臣等奇其才守。共保薦之。屢加遷擢。今任銀庫掌印郎中。

克什布。滿洲鑲紅旗包衣人。任三等侍衛。事親至孝。母病危篤。醫者言不可起。克什布遂於夜靜時。扃密室。剖臂肉。熟而進之。母病頓愈。宗族稱其孝。雍正二年。

詔舉節孝。本旗以克什布孝行咨部。奏聞。准建坊旌表。給坊銀三十兩如例。

舒蘭滿洲正紅旗人。居家孝友。父敦多禮。任刑部侍郎。緣事革職。奉

旨發往黑龍江。在拖沙拉哈番品級上効力行走。時舒蘭任戶部筆帖式。卽具呈辭職。言父有罪。遠去數千里之外。人子豈忍不隨之同去。尙書等以非例不允。舒蘭哀懇不已。始憫其孝思。據情

上聞。准隨父之黑龍江。八年。

聖祖仁皇帝特降恩旨。敦多禮今已年老。著回京。於是隨父歸。復補理藩院筆帖式。昏定晨省。無間朝夕。宗族鄉黨。無不稱爲至孝。

聖祖仁皇帝屢向大臣拉錫等稱其孝行。有聞得舒蘭甚孝之

旨。平居在族黨。敬長慈幼。人人以爲矜式。尋陞理藩院主事。康熙三十五年七月。大兵破噶爾丹。

聖祖降勅書於策妄阿喇布坦。

特命舒蘭馳驛資至西寧。付回回會長喀錫。色勒葉大魁。啓德等轉送。事畢還朝。是年九月。

聖祖以噶爾丹尚存活。將再行

親征。舒蘭復隨

駕往寧夏。二十七年四月。隨大學士馬齊。都統吳達禪。

八旗通志 卷二百三十一
滿丕等往與喀爾喀立盟。三十八年四月初三日。隨都統吳達禪。護軍統領車克楚。往收巴爾虎。是年閏七月。復同都統吳達禪。滿丕分派巴爾虎旗分佐領。九月十六日。巴爾虎佐領額克圖。率合佐領下人。將副使阿必達。驍騎校班迪。暨牧馬人。共十一人。殺死。又將

御馬羣八百餘匹。牧馬人私馬四百餘匹。駝三十餘匹。驅之而逃。

特旨命舒蘭馳驛急往取一的信。候往追之。散秩大臣諾爾布兵回。再來覆旨。舒蘭卽於是月二十日起程。

二十二日。至鑲黃旗察哈爾所居蘇木哈達地方。猶恐候諾爾布等回。遲延時日。先遣察哈爾撥什庫翁我代等六人。分三路前往迎探。二十六日。翁我代等至。云至薩穆諾渾奴魯等處探。總無回兵之信。且未曾遇一人。舒蘭念天寒草枯。追兵深入。馬皆疲瘦。若候其回。定延時日。乃一面遣撥什庫將此情由

奏明。自率諳察哈爾路徑者四人。卽於二十七日。起程。循回兵之路。迎候取信。直出邊外。至喀爾喀王查兒貝勒之祖母博迪蘇克喀屯所居必

爾呵呼地方始遇散秩大臣諾爾布叩其的音。是夜遂曉諭鄂爾坤圖拉伯兒扯兒色稜額左近所居蘇克金僧格貝勒等。八旗鄂濃巴爾集地方所居扎薩克台吉羅卜臧厄爾德尼等言巴爾虎喀克圖等負

皇上之恩殺察哈爾官兵偷盜

御馬而逃。若至汝等地方不拘那一旗卽執而斬之。或匿居何處急速報部。遂書此諭於押印空紙上。附於博迪蘇克喀屯之長史官杜立馬。命其遣能人從間道超過巴爾虎。特至查薩克。令諭分派已完。回京奏

聞卽奏

旨。吳達禪喀瓦爾達率兵往追。著舒蘭馳驛先至左翼四旗。派察哈爾官兵二百人。厄魯特善放鳥鎗者八十人。等候吳達禪等。此處我另派新滿洲侍衛二十人前往。舒蘭奏言臣往派察哈爾兵訖。候大人等到。願隨大人等一同出征。

聖祖許之。舒蘭隨大人等出征。未至其處。公西布退哈坦巴圖魯等八旗已遵從前舒蘭曉諭劄付。於

八旗通志 卷三百三十八
巴爾虎未至之先。各處整兵預備。巴爾虎至其地。次日。衆扎薩克兵并至圍繞。執爲首者斬之。遣撥什庫色德來奏。

聖祖大喜。特陞撥什庫色德爲理藩院主事。又封公西布退哈坦爲貝子。舒蘭亦陞內閣侍讀。四十三年四月。奉

命同乾清門侍衛拉錫往窮黃河之源。七月始還。奏言臣等奉使巡察黃河發源處。於康熙四十三年四月初三日。奉

訓旨言黃河之源。雖名古兒班索而嘛。其實發源處從

無人到。爾等務須窮源。明白察視。其河流於雪山。自何處流入雪山邊內。凡經流等處。宜詳閱之。若至其地。瘴氣甚厲。可進則進。不可則止。不必泥旨強進。臣等欽此。欽遵。於康熙四十三年四月初四日。自京起程。五月十三日。至呼呼諾兒地方。有大澤。其水色深碧。中央水高。澤之西岸。有石山一。土山三。東西較寬。南北少窄。澤周圍六百餘里。產魚二種。身圓而無鱗。腹寬。頭尾尖削。其色黃。其口齊。身有黑點。自二三寸至四五尺長不等。口小者。蒙古名爲那胡。口大者。名爲布哈。十四日。

八旗通志 卷三十三
至貝勒色卜騰札兒所居。地名呼呼卜拉克。十
五日居其地。十六日。貝勒色卜騰札兒。同臣等
起程。六月初七日。至星宿海之東。有澤名鄂陵。
周圍二百餘里。初八日。至鄂陵之西。又有澤名
札陵。亦周圍三百里。鄂陵之西。札陵之東。相隔
三十里。此二澤亦產那胡布哈等魚。初九日。至
星宿海。蒙古名鄂敦塔拉。擇山之至高者。登而
視之。觀星宿海之源。小泉萬億。不可勝數。周圍
羣山。蒙古名爲庫兒棍。卽崑崙也。南有高山。名
古兒班吐而哈。西南高山。名布胡珠而黑。西有

高山。名巴而布哈。北有高山。名阿克塔陰齊奇。
東北高山。名烏闌杜石。古兒班吐而哈諸泉。西
番國名爲噶爾馬塘。巴而布哈山諸泉。名爲噶
爾馬淖穆郎。阿克塔陰齊奇山諸泉。名爲噶爾
馬沁尼。三山之泉。流出三支河。卽古兒班索而
嘛也。三河往東順流。入於札陵。自札陵一支流
入鄂陵。自鄂陵流出之河。乃黃河也。除此而他
山之泉。與平地之泉。流出爲小河者。不可勝數。
盡歸黃河。朝東而下。自呼呼諾兒雪山。以至於
星宿海。一路產野牛。野驃。豹。猞猁。獾。牝牡盤羊。

八旗通志 卷三十三
鹿麇。小黃羊。火狐。沙狐。羆羊。香獐。獺兒。獾子等獸。臣等自星宿海。於六月十一日回程。欲看冰山之形。并黃河向何方流去等處。故離原去之路。向東南行二日。登哈而給山。見黃河往東而流。至呼呼托羅海山。又向南流。繞撒除克山之南。又北流至巴而托羅海山之南流去。第二日至冰山之西。但見其山最高。雲霧蔽之。蒙古言此山長三百餘里。九高峯。自古至今。未有見冰消者。終日雲霧。常雨雪。一月之中。得晴三四日而已。自此回行。十六日至席拉庫特爾之地。尋

看黃河流入雪山邊內之處。又向南行。過僧庫里高嶺。行百餘里。又至黃河岸。見黃河自巴而托羅海山。向東北。流於歸德堡之北邊。哈山之南。從兩山峽中流入蘭州。臣等謹將黃河發源山川之圖。恭呈

御覽。自京至星宿海。共七千六百餘里。寧夏之西。由松山至星宿海。天氣漸低。地勢漸高。人氣閉塞。故多喘息。非瘴氣也。是年陞侍讀學士。十二月奉命往封西海地方。王貝勒等。陞內閣學士。四十四年七月。鄂羅斯初次從喀爾喀路。逕來貢。併請互市。

特旨命舒蘭至鄂羅斯邊界經理。止許二百人來京。其餘皆留於邊界。鄂羅斯來者七百餘人。舒蘭率其二百人進京。至今為例。四十五年十二月。奉使西域。封喇藏為汗。并捉拿偽達賴喇嘛。因受西藏瘴氣。得病乞休。居家養病七年。病漸愈。五十二年。年。

特旨復起用內閣學士兼禮部侍郎。是年冬。復兼光祿寺卿。十二月。陞工部侍郎。在內閣學士任內。遇聖祖萬壽。覃恩。得廕一子。以族子名巴郎阿者。人頗誠篤。而家貧親老。卽以

恩廕予之。人以為難。五十九年卒。年六十八。子三人。次子塞爾登。中辛卯科舉人。

八旗通志初集卷之二百三十九

列女傳

王化莫先於閨門。故關雎鵲巢以爲風始。風由近以及遠。詩小序釋二南。謂王化自北而南。八旗則

國朝之二南也。江漢汝墳。固莫能或之先已。每稽歲終彙奏婦女節烈。則

旌門之典。莫盛於八旗。而從殉者尤多。

聖祖仁皇帝好生之德。始詔停殉夫者。

旌典。而八旗以殉夫報部者。比比而是。則

聖化漸摩已深。節烈成風。不以

恩例之得失移其志也。何其盛哉。雍正元年。

恩詔言旌表節義。乃彰善大典。每見直省地方有力之家。尚能上達。而鄉村貧窶之人。則多湮沒無聞。深可憫惻。著督撫學臣及有司。遍加採訪。務使苦寒守節之家。同霑恩澤。至節婦年逾四十而身故。計其守節已歷十五載以上者。亦應酌量旌獎。

殊恩異數。古未有也。今廣搜八旗節烈婦女。備著於志。載稽漢劉向氏首傳列女。凡賢淑明慧者。皆得與焉。不止於節烈。顧婦行不踰閭。非節烈無由

自見。今八旗節烈婦女。具於

實錄史書及部冊所存。八旗所保送者。備載不遺。而以

宗室王公妃夫人冠於篇首。其有賢淑之德。或
誕生

聖后。或保育

聖主。得受

殊恩。哀榮特異者。亦附見王公妃夫人之後。合爲列女傳。庶八旗閨門之化之盛。得備攷焉。

列女傳一

宗室王公節烈福金夫人格格等
宗室節烈妻女
覺羅節烈婦
誕生

聖后保育

八旗通志

卷三十九 列女傳一

二

初集

聖躬諸夫人

貝勒莽古爾泰大福金。天聰六年十二月乙丑，貝勒薨時。

太宗文皇帝與諸貝勒及衆福金等往哭之。夜二鼓，大福金以死殉。請曰：相隨貝勒已久，豈可獨存。

太宗諭曰：爾子尚幼，旣失父，又失母，子將誰撫，勸止之。大福金對曰：吾雖在，豈別有撫養之法。

上爲叔父，貝勒爲伯父，自能鞠育。言畢，不剪髮，不脫珥，固欲殉。

太宗仍力勸之。令東果公主及諸貝勒爲福金剪髮脫珥，令撫遺孤乃止。

烏喇福金，貝勒莽古爾泰次福金也。貝勒薨時，請從殉。

太宗諭曰：兄與爾初不甚睦，不當殉。福金對曰：始固和好，因失禮於

先帝，方見疎。今安可背貝勒而獨存。言畢，遂往別室自盡。又侍妾一人，亦從死焉。

納蘭氏，貝勒岳託福金也。崇德四年，岳託薨，福金以死殉焉。

舒呼禮，姓黃氏，本高麗人，和碩肅親王次妃。順

治五年。肅親王薨。遂自盡以殉。奉

旨褒美。給勅諭祭葬如典禮。今肅親王曾孫。有奉恩將軍。任一等待衛名圖納者。卽黃氏所生之後也。輔政德豫親王多鐸次福金。順治六年三月丁丑。多鐸薨。次福金請身殉。睿王再三慰解。請益力。遂許之。

珍木積和碩異親王元妃。係燾章京阿爾津之女。年十二歲。選爲王妃。至十六歲。王薨。妃從殉。時順治十年五月十二日也。

賽敏珠和碩異親王側室。係擺牙喇甲喇章京布達里之女。十五歲。選入王府。年二十。王薨。遂從殉。順治十年五月十二日。奉

旨給紙三千張。羊二隻。酒三瓶。內院撰給祭文。遣官致祭。

三等總兵官佟養性妻。係鎮國公席特庫之姊。二十九歲守節。至五十一歲。順治十三年二月。奉

旨旌表。給獎諭勅命一道。銀三十五兩。緞二疋。

巴蘇太。輔國公世布石倫妻。係勿魯杜朝兒植兒之女也。十四歲適公。二十二歲。公卒。遂從殉。

奉

旨諭祭。文曰。溯王化之本原。閨門稱首。肅人倫之綱紀。節烈居先。用昭風勵之權。可靳表章之實。爾巴蘇太。乃輔國公世布石倫之妻。婉孌季女。閨閣名媛。歸我宗臣。聿彰懿德。屬所天之就殞。遂視死以如歸。畢命黃泉。覺徽音之未遠。垂名彤史。尚生氣之凜如。芝蘭之氣常存。初無愁於風雨。松柏之姿不改。復奚憾於冰霜。特沛有赫之王綸。永勵守貞之士女。

烏努古。和碩鄭親王濟爾哈朗側室。係達虎之女。十四歲入王府。至二十歲。王薨。遂從殉。

舒紀。和碩鄭親王濟爾哈朗側室。係帖拉尼之女。二十三歲入王府。四十一歲。王薨。遂從殉。

蘇邁。和碩鄭親王濟爾哈朗側室。係南大海之女。十八歲入王府。二十三歲。王薨。遂從殉。

德音哲。和碩鄭親王濟爾哈朗側室。係德克蘇尼之女。二十歲入王府。二十二歲。王薨。遂從殉。穆克金。和碩鄭親王濟爾哈朗側室。係穆都之女。二十歲入王府。二十二歲。王薨。遂從殉。

納蘭氏。和碩敬謹莊親王尼堪側室。二十四歲入王府。王出征湖南戰歿。柩至京。納蘭氏從殉。

時年二十五歲。

舒穆魯氏。和碩敬謹莊親王尼堪側室。係胡鈕之女。十七歲入王府。王戰歿湖南。柩至京。與納蘭氏同殉。時年十七歲。

旨給紙各三千張。羊各二隻。酒各三瓶。內院撰給祭文。遣官讀文。奠酒致祭。

碩尼。輔國公品級查喀納側室。十八歲入府。三十四歲。公卒。遂殉節。順治十八年二月。奉

旨旌表。

宗室輔國將軍塞克圖之母。二十八歲守節。至五十五歲。順治十七年。奉

旨旌表。

布顏圖妻。係鎮國將軍聶克塞之妹。二十七歲守節。至五十二歲。順治十七年三月。奉

旨旌表。

博爾濟錦氏。鎮國公福勒赫之妻。係桑噶爾濟之女。年三十歲。公卒。氏從殉。順治十八年。奉

旨諭祭。文曰。帝澤首重乎本支。王化尤隆夫貞烈。生脩蘋藻。歿錫苾芬。惟鎮國公福勒赫妻博爾濟錦氏。式

循內則闡範孔昭。當公逝時。爾捐軀從一。秉志自殉。追遡貞良。深懷憫惻。爰頒祭典。以誌旌褒。聿昭不朽之榮。用表靡他之節。爾靈有知。尚其歆享。

鎮國將軍品級馬喀納之母。二十八歲守節。至五十歲。康熙二十一年正月二十六日。奉

旨旌表。給銀三十五兩。緞二疋。內閣撰寫勅書一道。

趙格。正白旗輔國將軍散秩大臣都爾巴之妻。康熙二十五年五月初二日。都爾巴病故。即於本日殉節。本年十二月初一日。奉

旨給羊一隻。酒二罈。紙六千張。遣官致祭。

納蘭氏。鑲藍旗和碩鄭親王愨厚世子富爾敦福金。十三歲守節。至五十歲。康熙二十七年十二月十六日。奉

旨旌表。給獎諭勅書。銀九十兩。緞十四疋。

博爾濟錦氏。正白旗宗室塞圖佐領下輔國將軍伯奇之妻。二十八歲守節。至五十歲。康熙三十二年十二月十八日。奉

旨旌表。給獎諭勅書一道。銀五十五兩。緞六疋。

傅察氏。怡賢親王胤祥第二子追封貝勒弘噉之妻。雍正六年。弘噉病故。而傅察氏尚未婚娶。

八旗通志 卷三十三
聞訃。卽慟哭截髮。至王府懇求持服守制。王以其未成婚不許。傅察氏於門外跪哭。以夜繼日。王終不許。乃歸至母家。持服守節。矢志靡他。時傅察氏方十七歲也。及王薨。氏又踵門哀請。王府人員奏

聞。

世宗憲皇帝降旨褒美。准給孝服。命王妃收爲子婦。弘噉身後典禮視貝勒。以親兄弟之子一人爲嗣襲封。令傅察氏撫之。以旌節孝焉。

吉爾門氏。正白旗宗室普遂佐領下。原任奉國將軍永德之妻。年二十三歲。夫故守節。雍正十一年。奉

旨旌表。

民覺羅氏。正藍旗額圖渾佐領下。原任奉國將軍鄂明之妻。年二十三歲。夫故守節。雍正十二年。奉

旨旌表。

穆佳氏。正黃旗滿洲尚陽寶佐領下。原任輔國將軍富良之妻。年二十七歲。夫故守節。雍正十三年。奉

旨旌表。

民覺羅氏。鑲藍旗滿洲花色佐領下。原任奉恩將軍鍾奇之妻。年二十六歲。夫故守節。雍正十三年。奉

旨旌表。

兆氏。正藍旗滿洲額圖渾管領下。奉恩將軍岳努之妻。年二十一歲。夫故守節。雍正十三年。奉

旨旌表。

以上係宗室王公節烈福金夫人格格等哲賴。正黃旗夏爾計格之妻。係宗室白臨哈思

虎之女。二十七歲守節。至五十一歲。順治十年五月十二日。奉

旨旌表。

鑲紅旗漢軍湖北巡撫柯永昇之妻。係宗室輔國公長壽之女。康熙二十七年。因武昌兵變。永昇於任所殉難。氏時年二十二歲。扶柩回京。卽於宗人府具呈。願撫孤守節。宗人府具奏。奉

旨依議。氏自二十二歲守節。至六十七歲。宗黨咸稱其賢。氏係命婦。例不請

旌。

高氏正藍旗覺羅祐庇佐領下一等侍衛宗室
勒克德之妻。二十五歲夫故守節。至五十歲。康
熙三十二年十二月奉

旨旌表。給獎諭勅書一道。銀三十五兩。緞二疋。

閒散宗室海全之妻。副都統阿濟里之女也。康
熙四十七年三月十七日。海全病故。時婦年二
十六歲。公姑以其無嗣。送歸母家。婦遂絕粒。以
簪刺傷右目。誓守夫墓。奉養公姑。公姑聞之。迎
歸。具呈宗人府轉奏。奉

旨聽其守節。以成厥志。年至三十六歲病卒。

董佳氏正藍旗閒散宗室興昌之妻。係正白旗
原任吏部尚書鄂爾多之女。康熙四十八年二
月。興昌病故。氏年二十四歲。康熙五十年十二
月。該衙門引定例。察孀婦年幼與無親生子者。
以居守甚難。著令回親眷等因議奏。奉

旨依議欽此。孀婦聞之。持刃自刎。家人救之。後又自刎。
昏迷良久。乃謂人曰。吾雖無親生子。欲養吾夫
之四弟。以守墓度日等語。將此緣由呈明。送宗
人府。王等遣員驗視。以所傷甚重。復議得孀婦
自刎。乃其心之誠於居守。卽著令留守等因具

奏奉

旨著令留伊守夫之墓。

以上係宗室節烈妻女

滿代鑲黃旗覺羅噶布喇之妻。二十九歲守節。至五十歲。順治十七年三月奉

旨旌表。

隋赫晉正紅旗拜他喇布勒哈番覺羅伊薩哈妻。順治五年十一月二十七日。伊薩哈病故。隋赫晉年十九歲。無子嗣。辛苦守節。至五十歲。克盡婦道。勤謹貞靜。康熙十八年奉

旨旌表。

常姐。正紅旗覺羅塞特佐領下。八品官覺羅握信妻。康熙二十年五月十二日。夫故。卽於是日殉節。二十一年正月二十六日。奉

旨給與紙五百張。羊一隻。酒一罇。內閣撰祭文。遣官致

祭。

戴佳氏。鑲白旗覺羅海蘭佐領下。原任二等護衛覺羅穆格善之妻。順治八年正月。穆格善病故。氏年二十歲守節。至五十歲。奉

旨旌表。

瓜爾佳氏。正黃旗覺羅進堅佐領下。原任六品官。覺羅劉禮霸之妻。劉禮霸於康熙十九年病故。氏年二十四歲守節。至五十歲。四十五年。奉旨旌表。

汪氏。正黃旗滿洲覺羅董國禮佐領下。阿達哈哈番詹事府少詹事覺羅僧叅之妻。年二十二歲。夫故守節。撫前妻之子如已出。以勤儉治家。食貧作苦。晏如也。性貞靜。教諸子極嚴。俱讀書登科第。長子逢泰。康熙庚辰科進士。經筵講官。翰林院侍讀學士。次子元旦。丙子科舉人。三子

滿保。申戌科進士。浙閩總督加兵部尚書。康熙五十九年請

旌。六十年六月。壽終於滿保署中。九月。

聖祖仁皇帝念滿保平定臺灣之功。由賢母教誨之力。御書慈壺義方匾額一。嚴母教以宜家毓成偉器。勵臣忠而訓子。懋建殊勳。對聯一副。以賜之。雍正元年。追封一品夫人。

那氏。正紅旗滿洲覺羅永普佐領下。員外郎覺羅都爾福之妻。年二十八歲。夫故守節。雍正十年。奉

旨旌表。

趙佳氏。鑲藍旗滿洲覺羅尼雅哈理佐領下。內閣侍讀覺羅富昌之妻。年二十五歲。夫故守節。雍正十二年奉

旨旌表。

瓜爾佳氏。正藍旗滿洲覺羅札布善佐領下。三等侍衛覺羅常舒寶之妻。年二十六歲。夫故守節。雍正十三年奉

旨旌表。

嘎爾沁氏。正藍旗滿洲覺羅札布善佐領下。三

等阿達哈哈番寬羅寶帶之妻。年二十四歲。夫故守節。雍正十三年奉

旨旌表。

以上係覺羅節婦烈婦

一品夫人覺羅氏。係誥贈一等公佟圖賴妻。

孝康章皇后母也。康熙二十一年奉

旨。遣官致祭四次。照一等公例。給與葬價。立碑。其碑文曰。朕惟帝王之道。孝施於政而教成。仁篤於親而民法。此天下之大經。人倫之至則也。是以書言肇修。詩稱罔極。蓋恩由敦本而隆。禮必緣情而起。愛慕時勤

於懿訓。褒崇宜及於茂親。存則分介祉之榮。歿則頒原終之典。彝章具備。國體攸存。惟誥贈一等公佟圖賴妻。誥封一等公妻一品夫人覺羅氏。乃

孝康慈和莊懿恭惠崇天育聖章皇后之母。毓秀名門。作儷巨室。女德為人中之瑞。壺修啟天降之祥。惟善積於厥身。乃福凝於懿戚。誕生

皇妣。表範宮闈。播千禩之徽音。鍾於聖母。綿萬年之景祚。昇於朕躬。憶從蚤歲。遽隔

慈顏。每念恩勤。常餘哀慕。睠令儀猶存於戚畹。緬音容如覲於璇幃。方期彌享大年。豈謂淹歸厚壤。良深軫

悼。爰示褒揚。特詔所司。優以異數。土田舊錫。賙賻有加。賜葬如一等公禮。嗚呼。布在方策。事莫大於親親。勒之貞珉。光有垂於世世。聿賁龍章之重。揭於馬鬣之封。昭茲來許。其永無窮。

一品夫人赫攝禮氏。領侍衛內大臣一等公國舅佟國維妻。

孝懿仁皇后之母也。康熙五十九年病故。奉

旨諭祭。文曰。國家優崇勳舊。逮及閨闈。苟內則之用修。

宜。特恩之下賁。爾赫攝禮氏。含英華胄。作配名門。淑

慎性成。早樹珩璜之範。柔嘉夙著。茂膺綸翟之榮。誕

育孝懿皇后。備德璇闈。流徽椒掖。溯鍾祥所自始。實
賢母之篤生。故每被以殊恩。頒之異數。比當屬疾。軫
念殊深。爰遣良醫。補以藥石。頻命中使。問其起居。迨
奄逝之遽聞。用悼傷之滋甚。典隆賜奠。禮備飭終。嗚
呼。託肺腑於天家。累世之寵光。既久。昇絲綸於幽壤。
中闈之褒錫。維新。靈如有知。尙其歆享。雍正元年。復

奉

旨諭祭。其文云。

皇帝諭祭外祖公佟國維之妻。一品夫人外祖母赫攝
禮氏之靈曰。位重中朝。勳舊之恩。施旣渥。德嘉內助。

閨闈之褒錫。宜優。慚歲月之潛移。芳規猶昨。賁絲綸
於勿替。曠典維新。爾赫攝禮氏。秉禮無愆。閑家有則。
被殊榮於綸翟。奕葉鍾祥。著令範於珩璜。塗椒衍慶。
篤生

孝懿皇后。坤儀正位。壺教揚徽。念盛德之難忘。實凝麻
之有自。追維

聖祖。實篤懿親。上體

慈衷。爰頒新綵。飶香酬酒。用光盛事於九原。珉石鐫文。
永樹芳聲於百世。嗚呼。懷舊勳於戚里。邱原之草木
增輝。錫新命於皇家。閎闈之簪纓。聿茂。爾靈不昧。庶

其歆承。

一等公衛武之祖母傅察氏係

仁壽皇太后之曾祖母也。雍正元年奉

旨追贈一等公夫人。遣官致祭。其文云。

皇帝諭祭外祖衛武之祖母。追封一等公夫人傅察氏。之靈曰。誼篤展親。溥外家之恩澤。禮崇追遠。彰內助之勤勞。累傳而閭範長存。三錫之王綸式煥。爾傅察氏。乃

仁壽皇太后之曾祖母。誕生茂族。作配勳臣。贊韜畧之機。芳型早著。稟幽閒之性。令德攸彰。積善門高。光啟

聖慈於今日。貽庥緒遠。尙傳懿訓於當年。仰承

純孝之思。聿遡鍾祥之自。加封一品。被綸翟之采章。錫命九原。耀龍鸞於誥紙。嗚呼。國恩攸重。賁象服以增榮。家慶方隆。衍簪纓而勿替。淑靈不泯。尙克來歆。其追封典禮。仍立碑墓道云。

一等公衛武之母瓜爾佳氏係

仁壽皇太后之祖母也。雍正元年奉

旨追贈一等公夫人。遣官致祭。其文云。

皇帝諭祭外祖衛武之母。追封一等公夫人瓜爾佳氏。之靈曰。禮重嫺親。寵錫不遺。夫母教德資內助。贊襄

八旗通志 卷三百三十九
端藉於壺儀。矧令德之不昭。宜殊榮之特賁。爾瓜爾佳氏。乃

仁壽皇太后之祖母。性惟恭順。度表柔嘉。傳禮法於珩璜。克彰遺範。播仁慈於家室。爰樹芳規。善備厥躬。遺徽傳於蘭閣。澤延奕世。積慶集於

椒宮。緬懷令德之難忘。追念發祥之有本。爰稽彝憲。特沛隆施。綸綍誕膺。用展尊榮之典。苾芬式薦。聿昭優渥之恩。嗚呼。著淑慎於當年。永作閨闈之矩矱。垂儀型於今日。長存圖史之箴規。靈其有知。尚克歆享。其追封典禮。仍立碑墓道云。

一等公衛武之妻塞和里氏。

仁壽皇太后之母也。雍正元年奉

旨。追贈一等公夫人。遣官致祭。其文云。

皇帝諭祭外祖母。追封一等公夫人塞和里氏之靈曰。溯外家之世澤。衍慶方長。美中壺之徽音。鍾祥有自。想儀型之如在。宜寵命之聿新。爾塞和里氏。系出華宗。名高德配。庭闈克孝。惟修愉婉之容。箴史優嫺。不怠敬恭之節。善作治家之政。諧睦親疎。克襄報國之猷。勤勞夙夜。誕我

仁壽皇太后。周南起化。式傳溫惠之風。渭涘凝麻。推本

八旗通志 卷二百三十九
賢明之訓。恩加象服。配崇號於上公。禮奠椒觴。賁殊榮於懿戚。於戲。流芳徽於奕葉。簡策增輝。追淑範於九原。松楸生色。靈其不昧。尙克歆承。仍立碑墓道。紀追封典禮焉。

多羅格格。內大臣提督九門步軍統領。追封一等公費揚古妻。

孝敬憲皇后之母也。雍正元年。奉

旨。追贈一等公夫人。仍遣官致祭。其文云。

皇帝諭祭內大臣提督九門步軍統領。追封一等公費揚古妻多羅格格之靈曰。因親寵錫。誼莫重於宗支。

自近推恩。情尤殷於外族。况柔嘉之令德。炳於生前。宜綸綍之榮施。隆於歿後。爾多羅格格毓秀銀潢。于歸華胄。從容中禮。響應節之璜琚。婉婉同心。奏諧聲之琴瑟。誕生淑德。位正坤元。實藉芳型。教端內則。茲特崇以典禮。培爾佳城。用揚壺德之徽。聿展中心之貺。嗚呼。懿範徒存。悼禴禘之永隔。松楸式賁。應寵命以常新。爾靈有知。尙其來格。其追封典禮。仍立碑墓道云。

奉聖夫人朴氏。

世祖章皇帝乳母也。夫哈喇。授阿達哈哈番世職。康熙

十六年。夫人病故。

聖祖仁皇帝諭禮部曰。

世祖章皇帝乳母朴氏。保育

先皇。克昭敬慎。朕躬幼時。殫心調護。夙夜慇懃。撫視周
詳。情實等於顧復。提攜備至。時罔怠於寒暄。襁抱曲
體。乎性情。勤劬彌切於啼笑。恭謹抒匪懈之忱。淑惠
盡慈愛之義。每懷疇昔。時厯於衷。封典宜加。用彰隆
眷。今封為奉聖夫人。頂帶服色。照公夫人品級。爾部
卽遵諭行。隨遣官致祭五次。立碑墓道。文曰朕惟天
亶聖哲。則必有賢淑之媪。為維持於宮闈。誕育之初。

以培至德而凝介祉。故生敦勤恪之誠。斯歿膺優渥
之澤。所以酬勞彰善。著為國經。爾奉聖夫人朴氏。乃
皇考世祖章皇帝之乳媪也。越在我

皇考幼冲岐嶷之年。爾以溫惠之資。受保抱之任。克敬
克慎。惟愛惟和。殫心靡怠於暑寒。効力聿虔於昕夕。
用能翼護

聖躬。流譽禁掖。暨乎朕之初載。爾則勤劬益摯。肫懇彌
殷。勵鞠養以無方。勗始終而如一。眷言姆範。良篤厥
勞。既克受天孚佑。享有遐齡。迺奄然物化。朕實心盡
爰詔所司。錫之異數。特賜

孝陵近地。葬如公夫人禮。嗚呼。依

陵園而營窀穸。寵光長賁於重泉。邁侯伯而備儀文。典制式隆乎常憲。鐫之貞碣。永旌爾賢。旋奉

特恩。建祠墓道。春秋致祭。雍正二年閏四月。復蒙特恩。遣官致祭。

保聖夫人瓜爾佳氏。

聖祖仁皇帝之乳媪也。康熙三十八年病故。贈保聖夫人。遣官

諭祭四次。其初次祭文曰。自古帝王誕生之始。必資阿保鞠養之人。用以調護晨昏。維持身體。惟生前之恪

共旣懋。斯歿後之恩卹宜隆。爾保聖夫人瓜爾佳氏。賦性安和。居懷謹密。曩朕冲幼之歲。方資乳抱之勤。太皇太后鑒爾慈良。命之保育。爾竭心盡力。克慎克勤。乃積年祇事於

慈闈。畢世忘綜其家政。持身愈謹。口不道夫前勞。歛跡愈深。外不聞其名氏。爾爲阿母。堪作表儀。方謂克享遐齡。永綏多福。豈期大耋未屆。一病沉綿。撫視再三。臨喪哀悼。爰追錫以嘉號。俾修祀於初筵。嗚呼。錫命六珈。被寵榮而勿替。升香五鼎。頒綸綍以加崇。靈其有知。庶幾來享。雍正元年。復奉

八旗通志 卷三十九
旨諭祭文曰。誼任維持。左右實資。夫護視職司阿保。宮闈必賴其追隨。惟生前克殫乎肫誠。斯歿後宜加夫褒卹。爾保聖夫人瓜爾佳氏。安和成性。謹恪爲懷。奉我

皇考聖祖仁皇帝。翼翼小心。保抱無愆。夙夜循循供事。經營不及私家。殷勤并逮於朕躬。勞勩彌思夫往日。爰稽彝典。特沛寵榮。嗚呼。酒薦芳筵。渥澤重沾於幽壤。恩流後裔。隆施丕著乎新綸。靈其有知。來歆來格。

佐聖夫人葉黑勒氏。夫邁堪。姓瓜爾佳。滿洲正藍旗人。以二等阿達哈哈番。任散秩大臣。崇德

三年。氏選爲

世祖章皇帝乳媪。康熙六十年。追封佐聖夫人。遣官

諭祭。文曰。自古帝王誕生。貞符協應。而其簡畀阿保。調護聖躬。於以順陰陽之宜。視寢膳之節。厥任亦綦重焉。惟生前祇承於宮壺。實著成勞。斯歿後屢易夫星霜。爰加殊典。爾佐聖夫人葉黑勒氏。稟性慈和。存心謹密。昔

皇考世祖章皇帝。甫在幼冲之歲。常資乳抱之功。夙夜是勤。寒暑彌慎。身依殿廡。置家事於罔聞。動合禮儀。考女德而無愧。自經徂謝。久更歲年。寵命未頒。追封

有。待。昨。朕。躬。謁。

陵園。爾孫籲請。追維曩昔。彌切軫懷。特沛殊施。錫之嘉號。將垂光於琬琰。俾修祀於几筵。嗚呼。牲醴具陳。覺懿徽之未遠。絲綸用賁。庶幽壤之增華。惟爾有知。其克歆享。

佑聖夫人李嘉氏亦係

世祖章皇帝乳媪。康熙六十年。追封佑聖夫人。遣官諭祭。文曰。自古神聖誕生。必資保育。故禮經所載。必得寬裕慈惠。溫良恭敬之人。以充其選。若夫克勤鞠養。罔間晨昏。雖寵命未錫於生前。而追封必加夫身後。

蓋念舊之恩。久而弗替也。爾佑聖夫人李嘉氏。居懷慎密。秉性安貞。

皇考世祖章皇帝。曩在幼冲。簡爾乳抱。審寒燠之節。居處惟宜。調飲食之和。護視彌謹。身居禁地。名不聞於外庭。日侍公宮。心幾忘乎家事。爾之勞勩。歿猶存焉。昨者躬謁。

陵園。爾子籲請。追惟曩昔。逾切軫懷。爰特錫以嘉名。復兼頒之饋奠。嗚呼。筓珈有耀。典恒渥以賜劬。牢醴維馨。恩倍隆於念往。靈兮不昧。尚克歆承。

順善夫人王氏

世宗憲皇帝之保母也。雍正元年。

諭祭四次。立碑其墓。碑文曰。朕惟古者慎選諸母。必溫良慈裕之皆全。朝廷追錄舊勞。貴存歿始終之罔替。厥有辛勤著績。夙夜殫心者。必申錫以揚芬。爰追褒而酬勩。爾王氏職司鞠育。性實恭和。節宣飲食之宜。維持備至。審視燠寒之候。調護多方。朕篤念前功。特加優卹。犧樽致奠。屢循舊典。以施恩。馬鬣加封。用樹豐碑。而表德。於戲。殫乳抱於生前。竭誠無怠。享榮華於身後。食報宜長。嘉名勒金石。而昭垂。渥澤潤泉壚。而永煥。承茲寵綽。不亦休哉。

恭勤夫人謝氏亦

世宗憲皇帝保母。雍正元年。

諭祭四次。立碑其墓。碑文曰。朕惟宮庭阿保之司。必資慈惠溫良之選。用以愛護寢興。追隨左右。恪誠著於生前。寵錫隆於身後。凡以錄舊績。賁新恩也。爾謝氏秉性柔嘉。持躬謹厚。服勤內職。奉朕冲年。順陰陽之宜。善調服御。審寒暑之節。克慎起居。惟祇奉於在公。罔經營於家事。令儀如昨。慨歲月之潛移。勞勩堪懷。篤始終而崇報。畀良人以世職。澤沛家門。錫象服以追封。榮施泉壤。培佳城而孔固。表素碣以增輝。嗚呼。


殫心力於禁闈。式昭姆範。薦苾芬於筵几。懋丕褒綸。用篤不忘。永垂奕世。

以上誕生

聖后保育

聖躬諸夫人





5